



太平御覽卷三百乙

封建部四

德行封 上卷四

討亂定策封 上卷五

奉侯封 上卷四

尊賢斷絕封 上卷五

死王事子孫封 上卷五

異域降封 上卷二

雜恩澤封 上卷四

雜名號封 上卷四

宦者封 上卷四

遜讓 上卷五

誅貶 上卷四 德行

德行封 漢書在 上卷六 恩澤表

漢書曰宣帝以劉德謹重封為陽城侯



又曰邴吉有陰德於孝宣帝微時帝即位衆莫知吉亦不

言吉從大將軍長史轉遷御史大夫帝聞將封之會吉病

甚將使人加紳而封之及其生存也太子太傅夏侯勝曰

此未死也臣聞有陰德者必響其樂以及子孫今未獲其樂而病甚非死也後愈封為博陽侯

東觀漢記曰建武元年詔曰故密令卓茂束身自修執節

惇回斷斷無他其心休休焉夫士誠能為人所不能為則

名冠天下當受天下重賞故武王誅紂封比干之墓表商

容之間今以茂為太傅封褒德侯賜安車一乘衣一襲金

五百斤

討亂定策封漢書在恩澤表

漢書曰莽何羅與弟重合侯通謀逆時霍光金日磾上官

桀等共誅之功未錄武帝病封璽書曰帝崩發書以事道

封金日磾為柁侯上官桀為安陽侯光為博陸侯文穎曰

平取其嘉明無此縣也食邑北海

之河間臣瓚案漁陽有博陸城也

衛尉王莽子男忽待中楊詡曰帝

詔封三子事群兒自相貴耳光聞

日不暇給然猶修祀

奉使封

史記曰高祖使劉敬使匈奴

短伏奇兵以爭利上怒械擊敬

得解還至廣武赦敬封千戶

漢書曰武帝以校尉張騫從大

又昭帝以平樂監傅介子謀樓蘭五封為宜陽侯

未

脩

官

傳太陸

通趙則封樂毅之後

十四百戶封蕭何曾

封周後為周子南君

宋公周承休公為

蜀志曰陳震字孝起侯吳賀繇權侯柞及到武昌權與震
昇壇歃血還封陽亭侯

尊賢繼絕封

奉祀祀祀

食戶邑

尚書太傅曰武王勝殷箕子走之朝鮮因以封之

禮記郊特牲曰天子存二代之後由

又禮記曰武王克殷未及下車而封黃帝之後於剡封帝

堯之後於祝封帝舜之後於陳下車而封夏后氏之後於

祝封殷之後於宋

史記曰武王克紂以紂子武庚祿父

武王崩成王少管蔡疑周公乃與武庚

誅之命微子開為殷後奉其先祀

是齊魏楚伐宋滅之而三分其地

漢書自古受命及中興之君必興滅繼絕脩廢舉逸然後

天下歸仁四方之政行高祖撥亂日不暇給然猶脩祀六

國來聘四皓過魏則壠無忌之墓適趙則封樂毅之後

又曰武帝元狩中復詔御史以鄼二千四百戶封蕭何曾

孫慶為鄼侯布告天下令明知朕報蕭相國德厚也

又曰武帝過洛陽下詔以三十里地封周後為周子南君

又曰封周公後公孫相如為褒魯侯

又曰元始四年新翕夏侯嬰陳平張良周勃等一百一十

八人紹爵復家

東觀漢記曰建武二年封殷紹嘉公為宋公周承休公為

衛公十四年封孔子後孔志為褒成侯

魏志曰文帝以議郎孔羨為崇聖侯奉孔子祀

晉中興書曰元帝封孔亭為奉聖侯不食戶邑

又曰元帝詔封魏後曹勵為陳留王

呂氏春秋曰武王勝殷封帝堯之後於犁丘成湯之後於

宋以奉桑林

死王弟子孫封

左傳哀下曰晉荀瑶率師伐鄭次于桐丘鄭駟弘請救于

齊齊師將與陳城子屬孤子三日朝屬會也孤子死設乘

車兩馬繫五色馬乘車兩馬大夫車服也繫五召顏涿聚

之子晉隰之役而父死馬隰邑在哀國之多難未汝恤也

今君命汝以是邑也服車而朝無廢前勞

漢書曰周苛以內史守滎陽罵項羽死高帝封苛子成為

高景侯

又曰酈食其使約諸侯至齊死事高帝封食其子疾為高

梁侯

又曰趙王反內史王綽相建德諫不聽遂燒殺綽等

景帝封綽子乘之建德子橫皆為侯楚王反太傅趙夷吾

相張尚並諫不聽死景帝封夷吾子周尚子居皆為侯

魏志曰鮑信為濟北相協視太祖身以遇害太祖追錄信

功封子邠為新都亭侯

說苑曰邠傳舍吏子李談說平原君令盡散家財以饗

卷一百一

卷一百一

四

士攻秦國平原從其計勇敢三千人皆出從談赴秦軍秦軍為却三十里亦會楚魏救至秦軍遂罷李談死封其父為李侯

異域降封

漢書曰匈奴王徐盧等伍人降漢景帝欲侯之以勸後亞亞夫曰彼皆其王降藉下陛下侯之即何以責人臣不守節者乎上曰丞相議不可用乃悉封徐盧等為列侯亞夫因謝病免相

又曰武帝時匈奴王及太子相都尉以下趙信南越王兄建德等凡三十五人來降並封侯
又曰宣帝時匈奴單于先賢禪等二人降並封侯

魏志曰鮮卑與比能明帝時將其部衆降拜歸義侯

雜恩澤封

漢書高后以大謁者張澤勸王諸呂封為建陽侯

又曰孝武以方術封栾大為樂通侯

又曰宣帝掖庭令張賀有舊恩封賀子彭祖為都陽侯

又曰王莽居職安衆侯劉崇與張紹攻宛而敗詔從兄竦

崇父嘉詣闕自歸竦因嘉作奏莽莽大悅太后下詔惟嘉

父子兄弟雖有屬不可阿私以千戶封嘉為師禮侯嘉子

七人皆賜爵關內侯後又封竦為淑德侯長安人為語曰

欲求封過張伯松力戰聞不如巧為奏

東觀漢記馬防子鉅為常從小侯上欲冠之夜拜為黃門

侍郎

華嶠後漢書曰元和元年遂置鴻都學畫孔子及七十二弟子像其諸生皆勅州郡三公舉用辟召或出刺太守入為尚書侍中乃有封侯賜爵者士君子皆取與為列
魯國先賢志曰汶陽鮑氏起於鮑吉吉字利主桓帝初為
蠡吾侯吉為書師及桓帝立歷位至河南尹詔曰吉與朕
有龍潛之舊其封西鄉侯宗族以吉勢力至刺史二千石
者五

雜名號封

漢書曰初高祖微時嘗避事時與賓客過其丘嫂食應劭曰丘氏女也孟康曰西方謂上女婿丘為婿丘空上有嫂也晉灼曰矣大也大婦為家婦也

嫂厭叔與客來作為羨盡鑠金客以故去已而視釜中有羨由是怨嫂及立齊岱等王而伯子獨不得侯

太上皇以為言高祖曰其非敢忘封之也為其母不長者七年十月封其子信為頡羨侯

又曰霍去病以校尉伐匈奴乃封為冠軍侯

又曰趙破奴以司馬再從驃騎將軍擊匈奴封為從驃騎侯

東觀漢記曰彭寵奴子密殺寵詣關降封為不義侯

魏志曰初平二十年置名號爵十八級關中侯爵十七級

皆金印紫綬又置關內外侯十六級銅印龜紐墨綬五天

夫五級銅印環紐亦墨綬皆不食租與舊列侯關內侯凡

六等注曰臣松之以為今之虛蓋自此始也
搜神記曰張顥為梁相天新雨後有鳥如山鵲飛翔墮地
市人撻之墮地化為石顥惟破之得一金印文曰忠孝侯
顥藏之秘府後行校書東觀奏言曰堯舜時朝有此官天
落印宜可復置

宦者封

漢書曰高后大將軍封建陽侯
東觀漢記曰孫程為中黃門安帝崩初江京等譖誣太子
廢為濟陰王居西鍾下徵北鄉侯為嗣程等十八人殺江
京閭顯等立陰濟王為帝以功封程為浮陽侯萬戶
又封中黃門王康華客侯王國為鄉侯
續漢書曰呂強為中黃門靈帝例封侯者以強為都鄉侯

強辭讓懇惻帝乃聽之數上書諫辭為中常侍趙忠等所
譖死

晉起居注曰惠帝永平元帝詔曰中常侍董猛固讓封邑
其封為武安侯猛前求餘戶封三兄今皆封為亭侯

遜讓

史記曰晉文公賞從亡者未得隱者介之推推亦不言祿
使人召之則亡遂求所在聞其入縣上山中於是文公環
縣山而封之以為介推田號曰介山且記吾過以旌善人

旌表

又曰魯連說魏人新垣衍以帝秦之害秦軍為欲平原君
欲封魯連魯連辭謝者三日吾與富貴而屈於人寧貧賤

而肆意

戰國策曰趙王以武城封孟嘗君擇舍人以為武城吏而
進之曰鄙諸借車者馳之借衣者被之夫人借衣車者非
親既兄弟也夫馳親友之車被兄弟之衣文以為不可今
趙王不以文不肖封之以武城願大夫之往也無伐樹木
無廢室屋然趙王悟而知文也僅可使全而歸之
漢書曰初武帝遺詔以討莽何羅功封金碑為程侯日碑
以帝少不受封

又曰武帝詔曰匈奴逆天理亂人倫車騎將軍青度西河
至高闕輕銳之卒執訊獲醜驅馬牛羊百有餘萬全甲兵
而還益封三千戶以千戶封青三子皆為侯青固謝云皆

諸校尉之力臣青子在繯綵中未有勤勞而受之封非待
罪行間以勤士力戰之意

又曰張延壽歷位九鄉國在陳留別邑在魏郡租入歲千
餘萬延壽自以身無功德何以久堪數上書減戶邑天子
以為有讓迺封平原并一國戶口如而租稅減半

又曰張賀為掖庭令收養皇曾孫恩甚密皇曾孫即位是
為宣帝而質已死欲封其冢為恩德侯其子彭祖小與上
同席研書欲封之先賜爵關內侯賀弟安世身辭讓上曰
吾自為掖庭令不為將軍也安世乃不敢言

東觀漢記曰竇融數辭爵位曰臣有一子質性頑鈍何况
乃當傳以連城土享諸侯之國也因會見詔曰公欲讓職

還土金相見不宜論也

又曰永元元年以定策功增封鄧騭三千戶讓不獲遂逃

避使者上疏自陳

又曰劉愷字伯預以當龍父爵封居崇侯讓與弟憲有司

奏之侍中賈逵上書陳之和帝詔愷致國與弟遁亡所守

彌固乃拜為郎

又曰丁綝拜河南太守及封功臣上令各言所樂綝曰昔

孫叔敖教其子受必求硤确之地綝德薄功微鄉亭可矣

上從之封為定陵謝安鄉食千戶

又曰帝欲封樊興置印綬於前固讓曰臣未有先登陷陣

之功一家數人並受爵士令天下觝望上嘉興之讓不奪

其志

又曰封朱祐為高侯邑七千三百戶自陳功薄而國大願

受南陽五百戶足矣上不許也

又曰翟歆字敬子父子以功封臨沮侯歆當嗣爵以母年

老國遠上書辭讓詔許乃賜關內侯

又曰十綝卒子鴻上書讓國與弟盛既葬乃挂綬經冢廬

而逃

又曰大將軍竇憲封武陽侯食邑二萬戶憲固辭封詔曰

大將軍憲前歲出征克滅北狄朝加封賞固辭不受舅氏

舊典並蒙爵土其封憲冠軍侯邑二萬戶

魏志曰田疇從太祖入盧龍基太祖猶欲侯之疇素與夏

侯惇善太祖語惇曰且往以情喻之荅曰疇負義逃竄之人耳蒙恩令活已為靈矣豈可賣盧龍基以易賞祿哉獨不愧於心乎太祖知不可屈乃拜為議郎

魏志曰王基^反壽春進封東武侯上疏固辭歸功叅佐由是長司馬等七人皆侯

又曰司馬宣王誅曹爽進將濟封都鄉侯上疏固辭不許孫盛曰將濟之辭邑可謂不負心矣

蔡邕獨斷曰漢摠明諸侯王之子弟封者為諸侯異姓者為徹侯避武帝諱曰通侯法律家皆曰列侯公德擾朝廷

所異者賜位在三公下其次諸侯在九卿下其小國侯以肺腑宿公親公^主至子孫墳墓於京師者亦隨會見猥者侯

諸貶

漢書曰高帝子淮南厲王長孝文六年謀反徙蜀至雍死

趙王如意趙王恢趙王友為呂后所殺孝景子膠東王自

殺孝武子燕王旦廣陵王胥並自殺齊王肥子濟北王興

居濟南王辟光膠西王卬膠東王雄渠高帝兄子吳王濞

弟孫楚並反伏誅淮南王長子安衡山王賜江都王非子

建並謀反誅楚王六世孫延壽淮南王曾孫寬並謀反死

武帝子孫侯者凡坐酎金等失侯及誅免者一百九人

又曰陳平薨子何代立坐畧人妻弃市國除始平曰我妻

陰謀道家有所禁吾世即廢亦已矣終不能復興

又曰平陽侯曹參六世孫宗坐闌入宮掖門配城旦留侯

田抄本武工空一格

田抄本並上三格

卷之三十一

張良子不疑坐謀殺楚內使贖為城旦封絕其餘功子孫皆罪免誅輒復立嗣

又曰高后封諸呂五人為侯八年九月並誅張澤一人免

孝帝元年軹侯溥昭自殺景帝魏其侯竇嬰有罪弃市武

帝樂通侯栾大斬昭帝安陽侯上官桀桑樂侯安反誅宣

帝平江侯王遷自殺昌永侯田廣明自殺陽成侯田延年

盜都內錢自殺元帝樂安匡衡免成陵侯淳於長大逆誅

宜鄉侯馮參自殺商陽侯薛宣坐不忠孝免哀帝子明傳

晏丁蒲朱博王家傳商鄭崇董賢孫龐息夫躬並誅免平

帝甄豐劉歆為王莽所殺高陵侯翟方進子盧坐弟舉兵

為王莽所殺

東觀漢記曰光武子楚王英謀反自殺廣陵王荆誼自殺

又曰成德侯朱鮪玄孫祀坐殺人國除昌成侯桓公孫述

坐與楚謀反國除

又曰魏成魯純坐訐訕國除山桑侯王常孫廣坐楚事國

除利取侯畢尋玄孫守坐姦人妻國除首鄉侯段普曾孫

勝坐殺婢國除父陽侯邢崇孫之為賊所盜亡印綬國除

廣平侯吳漢無後國除潁陽侯蔡遵無子國除

華嶠後漢書曰俊子昌徙封蕪湖侯建初中遭母憂固上

書以國貧不之封乞錢五萬為關內侯肅宗貶為關內侯

竟不賜錢

魏志曰曹洪性恇文帝少時求假不稱恨之後犯罪死太

后謂郭后曰今曹洪犯死吾救帝廢后后泣涕請乃得免
前官爵土

又曰彭城王摠坐私遣人詣尚方作禁物削戶二千申土
袞楚王彪並入朝犯京都禁削縣戶

又曰楚王彪坐王陵同謀延彪都昌遣御史案驗收治使
至國乃自殺

又曰廣初三年臨淄侯植監國謁者灌均希有奏植酒悖
劫脅使者有司奏治罪帝以太后故貶為安都侯

太平御覽卷第二百一

據宋板舊抄本校 計十葉

前空一行

太平御覽卷第二百二

封建部五

婦人封

夫人

郡君

縣君

鄉君 錫命附

婦人封

左傳成公上曰晉敗齊師齊侯遂自徐關入見保者曰勉

之齊師敗矣避女子使避君也齊侯單女子曰君免乎曰

免矣曰銳司徒免乎曰免矣曰苟君與吾父免矣可若何

奔齊侯以為有禮既而問之壁司徒之妻也壁司徒予之

石郭石郭邑名濟比盧縣

石郭東有地名石郭音蜀

陳留風俗傳曰高祖與項氏戰厄於近鄉有翟母者免其難故以延鄉為封丘縣以封翟母焉

夫人

後漢書曰崔篆母師氏通五經學百家之言王莽寵以殊禮賜號義成夫人金印紫綬文軒丹轂於新代

唐書曰魏衡妻王氏梓州郫人也武德初薛仁果舊將旁仙地侵掠梁部因獲王氏逼而妻之後仙地漸強盛衡謀以城應賊仙地領衆將趨梁州未至數十人飲酒醉卧王氏取其佩刀斬之携其手入城賊衆乃散高祖大悅封為崇義夫人

又曰亨亨中燕山道總管右領軍大將軍李謹行大破高麗

麗叛徒於葫蘆河之西俘獲數千人自是平壤餘衆走投

新羅時謹行妻劉氏留在代奴城高麗引鞞羯攻之劉氏

擇申率衆守城久之賊乃退上嘉其功特封為燕郡夫人

又曰鄒保英妻奚氏不知何許人也萬歲通天年中與丹

賊李盡來寇平州保英時任刺史領兵討擊既而城孤援

寡勢將欲陷奚氏乃率家僮及城內女丁相助固守賊退

所司以聞優制封為誠節夫人

又曰王君毘上嘗於廣達樓引君毘及妻夏氏設宴賜以

帛夏氏亦有戰功故特賞之封為武威郡夫人

五代史晉史曰鎮州節度史安重榮妻彭城郡夫人劉氏

封魯國夫人南陽郡夫人韓氏封陳國夫人重榮立二嫡

得本末上立格

妻非禮也朝廷並命之亦制制也

郡君

漢書曰武帝尊王太后母臧兒為平原君

後漢書曰弘農人韋宣素性佞邪欲取婿於梁冀乃上言

大將軍有周公之功今既封諸子則其妻宜為邑君詔遂

封冀妻孫壽為襄城君兼食陽翟租歲入五千萬加賜赤

紱比長公主長公主儀

又曰安思閻皇后追尊后母宗為滎陽君

晉中興書曰肅祖太妃豫章恭惠君荀氏初以微入宮生

肅祖中宗以母賤命虞妃母養肅祖而出嫁苟為馬氏妻

太寧元年馬氏無疾而卒肅祖迎母還宮養之稱建安君

追贈預章君謚曰恭惠

後漢書曰景明初世追舅氏封外祖母蓋氏為清河郡王

又曰靈太后臨朝以元父妹封义妻新平郡封後遷馮翊

君

縣君

漢書曰王太后微時為金王孫婦婦生在民間蓋諱之也

武帝始立朝媽白之帝曰何為不蚤言乃車駕自往迎之

其家在長陵小市直至其門使左右入求之家人驚恐女

逃匿牀下扶持出拜帝下車立曰大姊何藏之深也載之

長樂宮與俱謁太后太后垂涕女亦悲泣帝捧酒前為壽

錢千萬奴婢三百人公田百頃甲第以賜姊太后謝曰為

帝費因賜湯沐邑號修成君

又曰宣帝賜外祖母號為博平君以博平蠡吾兩縣戶萬一千為湯沐邑

范曄後漢書曰靈思何皇后追封父真為車騎將軍舞陽宣德侯封后母為舞陽君

魏志曰文德郭皇后安平廣宗人也母董為郡君改封父永為灌津敬侯世婦董為常陽君

又曰青龍二年春追謚后兄儼曰安城郭穆侯封儼世婦劉為東鄉君又追封逸世婦張為安嘉君

又曰明元郭皇后西平人也齊王即位尊皇后封太后母杜氏為郟陽君

又曰明悼毛皇后河內人黃初中以選入東宮明帝時為平原王進御有寵出入與同輿輦追封后母夏氏為野王君

又曰太始三年詔曰漢武追崇靈文之號武宣有平原博平之封咸所以奉尊尊之敬廣親親之恩宜追封故衛將軍景侯夫人羊氏為平陽君也

臧榮緒晉書曰武悼楊皇后廢在金墉城與母高都君龐氏共止高都君臨刑后挹持號叫不食而崩

晉中興書曰穆皇后庾氏字文君左將軍琛第三女贈琛為車騎將軍母丘氏為安陽縣君從荀氏永宣縣君

又曰簡文順皇后王氏字蘭始驃騎將軍述之再從妹追

贈前夫人成氏東豐縣君後夫人成氏東興君沈約宋書
曰孝穆趙皇后諱安崇下邳僮人也父裔永初二年有司
奏裔命婦孫可建昌縣君

又曰孝穆肅皇后名文壽蘭陵人父卓初與裔俱贈金紫
光祿大夫妻下邳趙氏封吳郡壽昌縣君

唐書曰古玄應妻高氏固守飛狐縣城卒免為突厥所陷
下詔曰頃屬默啜攻城咸憂陷沒丈夫固守猶不能堅婦
人懷忠不憚流矢由茲感激危城重安如不褒異何以獎
勸右玄應妻即封為徇忠縣君

又曰衡方厚妻程氏方厚太和中任邕州都督府錄事參
軍為招討使董昌齡誣枉殺之方厚妻程氏力不能免乃

公其哀如非冤者昌齡雅不疑慮聽其歸喪程氏故得以
徒行詣闕截耳於右銀臺門告夫被殺之冤御史臺鞠之
得實諫官亦有章疏故昌齡再授誣逐程氏開成元年隆
勅曰乃者吏為不道虐殺爾夫詣闕申冤徒行萬里崎嶇
傷累瀆於危亡血誠既昭幽憤果雪雖古之烈婦何以加
焉如聞孤孀無依畫哭待盡俾榮祿養仍錫疏封可武昌
縣君

英雄記曰董卓孫女名白時尚未笄封為渭陽君於郾城
起壇從廣二丈餘高五六尺使白乘金華青蓋車都尉中
郎將刺史二千石在郾者各令乘軒簪筆為白導從之壇
上使兄子橫為使者授印綬也

沈約宋書云
曰移本另提行

潘岳宜城宣帝誅曰行成于已名生於人考終定謚寔曰
宣君祝宗蒞事卿相奉引輕車整駕介士列陣鸞輅依容
輜車升櫬

卿君

魏志曰卞隆以后父封睢陽鄉侯隆妻王氏為顯陽君追
封隆前妻劉氏為仁慎鄉君后親母故也

又曰甄儼孫女為齊王皇后后父已沒封后母為廣陽鄉
君

晉書曰立皇后楊氏母太原龐氏為安昌鄉君追外曾祖
母故司徒王卽夫人夏氏為恭陽鄉君

晉中興書曰哀靖皇后王氏字穆之司徒左長史濠之女

也初為瑯琊王妃哀帝即位拜為皇后追贈父濠金紫光
祿大夫封晉安縣侯母愛氏為安國鄉君也

又曰元敬皇后虞氏字孟母濟陽外黃人也祖壽撫軍大
將軍掾父豫太傅參軍中宗之為瑯琊王納后為妣豫妻

王氏為邢陽縣君從母散騎常侍新野王罕妻為平陽鄉
君

又曰康獻皇后褚氏太傅褒之女封母謝氏為潯陽縣君

又曰成公皇后杜氏陵陽京兆人也母裴氏為廣德君安
鄉君賜錢百萬布二百疋

又曰穆章皇后何氏字法倪司空克之女追贈父克光祿

大夫封晉興侯母孔氏長樂鄉君

又曰王蘊以后父徵拜金紫光祿大夫封建昌侯母劉氏
平樂君

沈約宋書曰武敬臧皇后諱受親東莞人也父雋追贈金
紫光祿大夫妻高密叔孫氏迁永平鄉君

唐書曰獨孤武觀都謀叛王世克克歸國事覺誅死都武子師
仁年始三歲世克以其年幼不殺使禁長之乳母王氏號

蘭英請鬻鉗求入保養世克許之蘭英撫育提攜備盡筋
力時喪亂年飢人多餓死蘭英扶路乞丐捨拾遇有所得

便歸與餘仁蘭英唯啖吐飲水而已後詐採拾乃竊師仁
婦於京師高祖嘉其義下詔曰師仁乳母王氏茲惠有聞

無鞫無倦提攜遺幼皆逆歸胡宜有褒隆以錫其號可封

永壽鄉君

錫命

尚書曰平王錫晉文侯拒鬯圭瓚作文侯之命也

左傳曰王命尹氏策命晉文公為侯伯錫之大路之服戎
路之服彤弓一彤矢百矚弓矢僊衣拒鬯壹鹵虎賁三百人

左傳曰文元年天王使榮叔來錫公命杜預注曰諸侯即
位天子錫以命珪合瑞為信若僖二十八年王賜晉侯命

亦其比也

又曰襄十四年王使劉定公賜齊靈公命曰昔伯舅太公

佑我先王朕肱周室師保萬民世昨太師以表東海王室

之不壞繫伯舅是賴余今命汝環環齊靈也茲帥舅氏之典

纂乃祖考無忝乃舊勳敬之哉無廢朕命纂述也音婚而加褒顯傳言王

國語曰襄王使邵伯過及內使過賜晉惠公命呂甥卻芮

相晉侯不敬晉侯執玉卑拜不稽首內史過歸以告王曰

晉不亡其君必無後且呂卻將不免王曰何故對曰夏書

有之曰衆非元后何載后非衆無以守邑邑在湯誓曰余

壹人有罪無以爾萬方萬方有罪在予壹人在予一人乃我教道之過

在盤庚曰國之滅則維汝衆今商書盤庚是滅善國俗

國之不滅則維餘壹人是有逸罰逸過罰罪也國俗之不

其罪當在我也如是則長衆使人不可不慎也人之所急在捨大

事大事祀我祀也先王知大事之必以衆濟故祓除其心以和惠

人被拂考中度衷以蒞之蒞臨考中省以之中心以昭明

物則以訓之制義庶孚以行之義宜庶衆孚信當制也

其心精也精考中度衷忠也昭明物則禮也制義庶

孚心也然則長衆使人之道非精不和非忠不立非理不

順非信不行今晉侯即位而背內外之賂背外不與秦也

也田虐其處者棄其信虐其處者殺不敬王命棄其理施其

所惡棄其忠已所不欲勿施於人所惡於下無以事以惡

實心棄其精實四者皆棄則遠不至而近不和矣禮者精

將何以守國古者先王既有天下又崇立上帝明神而敬

事之於是手有朝日月以教人事禮天子以春秋分朝日

諸侯春秋受職于王以臨其人大夫士曰恪位着以儆其

官門中庭之左右曰位庶人工商各守其業以共其上猶恐

有隊失也故為車服旌章以旌之為班爵貴賤以別之為

令聞嘉譽以聲之猶有散遷懈慢而著在刑辟流在裔土

於是乎有蠻夷之國有斧鉞刀墨之人而况可以淫縱其

身乎晉侯非嗣也而得其位也嗣適也豐豐怵惕保位戒懼猶

曰未也若將廣其心而遠其隣陵其人而俾其上將何以

固守夫執玉卑替其摯拜不稽首誣其王摯替無鎮誣王

無人夫天事怕蒙任重享大者必速及故晉侯誣王人亦

將誣之欲替其鎮人亦將替之大臣享其祿不諫而阿之

亦必及焉襄王三年而立晉侯八年而隕於韓十六年而

晉人殺懷公無胃秦人殺子金子公子金呂甥子公部芮之子

又曰襄王使太宰文公及內史興錫晉文公命上卿逆於

境晉侯郊勞館諸宗廟饋九牢設庭燎及其命於武宮設

桑主布几筵太宰蒞之晉侯端委以入太宰以王命冕服

內史贊之三命而後即冕服既畢賓饗贈錢如公命侯伯

之禮而加之以宴好內史興歸以告王曰晉不可不善也

其君必霸逆王命敬奉禮義成敬王命順之道成禮義德

之則德以道諸侯必歸之且禮所以觀忠信仁義忠所以

分也仁所以行也信所以守也義所以節也忠分則均仁

行則報信守則固義節則度分均無怨行報無匱守固不

踰節度不攜若人不怨而財不匱令不踰而動不攜其何

事不濟中能應外忠也施三服義仁也守法不淫信也行

禮不疲義也臣入晉境四者不失臣故曰晉侯其能禮矣

王其善之樹於有禮艾人必豐豐王從之使於晉者道相建

及惠后之難王出在鄭惠后惠皇之后襄王繼母陳媯有

帶葬齊王復之又通於襄王之后魏氏王廢魏氏周大夫

頹叔姚子奉子帶以翟師伐周王出適鄭出于訛事在魯

四年晉侯納之襄王十六年立晉文公二十壹年以諸

侯朝於衡雍且獻楚捷捷遂為踐土之盟於是平始霸

范曄後漢書曰董昭等欲共進曹操爵國公壹九錫備物

密以訪荀彧或曰曹公本興義兵以匡振漢朝雖勲庸崇

著猶稟忠貞之節君子愛人以德不宜如此事遂寢操心

不能平會南征孫權或勞軍于譙表留或尊公在晉

晉中興書曰烈宗冲幼桓温威震内外人情躄沓牙生同

與謝安與王坦之盡忠匡翼温諷朝廷欲為九錫使驍騎

將軍表宏且草時温已病篤宏以呈安安視輒云不好更

改之使攝歷旬日至于温薨錫命遂寢

太平御覽卷第二百二

據宋板舊抄本校計八葉

前卷三行

太平御覽卷第二百三

職官部一

摠叙官

禮記曰有虞氏官五十夏后氏官百殷二百周三百天子立六官三公九卿二十七大夫八十一元士以聽天下之外治以明章天下之男教

又王制曰天子百里之內以共官千里之內以為御謂此地之

田稅所絡也也千里之外設方伯五國以為屬屬有長十國以為

連連有師帥三十國以為卒卒有正二百一十國以為州州

有伯八州八百五十六正百六十八帥三百三十六長八

伯各以其屬屬於天子之老二人分天下以為左右曰二

伯

春秋曰昭四年郊子來朝公與之宴昭公問焉曰少皞氏

以鳥名官何故少皞氏天氏黃帝子已姓之祖也問何故以鳥為官也郊子曰吾祖

也我知之昔黃帝氏以雲紀故為雲師而雲各黃帝軒轅氏姬姓之祖也黃帝受命有雲瑞故以云紀

事百官師長皆以雲為名號也炎帝氏以火紀故為火

師而火各神農姜姓之祖也有火瑞故以火紀事各官也共工氏以水紀故為水

師而水各共工以諸侯霸九州者在神農前太昊後亦受水瑞以水各官也太皞氏以龍

紀故為龍師而龍各太皞伏羲氏風之祖也我高祖少皞

摯之立也鳳鳥適至故紀於鳥為鳥師而鳥各自顛頊以

來不能紀遠而紀於近為民之師而命以民事則為不能

故也

又曰國家之敗由官邪也官之失德寵賂彰也時義氏和氏世掌天地四時之分命義仲宅嵎夷曰暘谷

尚書堯典曰乃命羲和欽若昊天曆象日月星辰敬授人

時官使敬順天時以授人也分命羲仲宅嵎夷曰暘谷

也羲仲居治東方之官宅也東表之地稱嵎夷寅賓出日平秩東作使敬導也出日平均次序

東作之事申命羲叔宅南交羲叔居治南方之官南交言夏與春交平秩南

以務農也訛敬致訛化也平序南方化育之功分命和仲宅西日昧谷

居治西寅饒納日平秩西成饒送也西方萬物成申命和

方之官叔宅朔方曰幽都平在朔易都謂所聚也易謂歲改易於北

常允釐百工庶績咸熙定四時成歲以告時

又舜典曰咨四嶽有能奮庸熙帝之載奮起也有能起發

使宅百揆亮採惠信立其功順其事者誰乎念曰伯

伯

使敬導也四字用抄本

禹作司空作禹為天子司空治帝曰俞咨禹汝平水土惟

時懋哉稱禹前功以命之惟禹拜稽首讓于稷契暨皋陶

帝曰俞汝往哉不許其讓使

又曰成王既黜殷命滅淮夷還歸在豐作周官王對曰若

昔文獻順古制治於未亂保邦於未危曰唐虞稽古建官

惟百內有百揆四岳外有州牧侯伯庶政惟和萬國咸寧

夏商官倍亦克用又湯禹建官二百亦能用今予小子祇

勤于德夙夜不逮太師立太傅太保茲惟二公論道經邦

變理陰陽少師少傅少保曰三孤二公弘化寅亮天地信

之天地家宰掌邦治統百官均四海司徒掌邦教敷五典擾

兆民擾安也宗伯掌邦禮治神人和上下司馬掌邦政統六

師平邦國司寇掌邦禁詰奸慝刑暴亂司空掌邦土居四

民時地利士農工商六卿分職各率其屬以倡九牧阜成

兆民以倡導九州牧伯為

又曰俊乂在官俊傳治農之百僚師師百工惟時僚工皆

師相師法百官撫于五辰庶績其疑言五官皆順五

又曰無曠庶官天工人其代之位分其人為空官言人代

又曰任官惟賢才左右惟其人臣為上為德為下為民臣

奉上帝德順下訓民不

又曰官不及私昵惟其能不加私昵爵罔及惡德惟其賢

非賢

不爵

周禮曰惟王建国辨方正位體國經野設官分職以為民
極 極中也 令天下 之人各得其中

又周官曰宗伯以九儀之命正邦國之位壹命受職受職

再命受服受服三命受位列位于王臣也王四命受

器受祭器為五命受則也則法六命賜官官者使自得自置其

臣治一家如七命賜國出就侯八命作牧謂諸侯有功德者

諸侯九命作伯 伯也鄭謂農云長諸侯為方伯也

尚書太傳曰古者天子三公每壹公三卿佐之每一卿三

大夫佐之每壹大夫三元士佐之故有三公九卿二十七

大夫八十一元士自公之元士 九百二十此

夏時之 官也

家語曰古之御天下者以六官摠治焉家宰之官以成道

治官所司徒之官以成德教官所宗伯之官以成仁禮官

成司馬之官以成聖政官所以成聖聖通司寇之官以成

義刑官所司空之官以成禮禮事官所以成禮也六官在守

以為嚮

東觀漢記曰更始所置官爵多羣小長安為之語曰竈下

養中即將爛羊胃騎都尉爛羊頭關內侯

後漢書曰進武六年詔曰百姓遭難戶口耗少而官吏尚

繁於是司隸州牧條奏并省有四百餘縣吏職減損十置

其一

漢書儀曰古法雖聖猶誠故設四科之辟一科曰德行高

妙志節清修二科曰學通行脩經中博士三科曰明曉法令足以決疑能案章覆問文中御史四科曰剛毅多畧遭事不感明足以昭姦勇足以決斷才任三輔令皆試以其能然後官之

後漢書曰天興元年置八部大夫散騎常侍符詔等官其八部大夫於皇城四維面置壹人以擬八坐謂之八國常侍侍置左右出入王命三年置八博士官典糞煉百藥天錫元年八月初置六謁官准古六卿其秩五品屬官有大夫秩六品大夫屬官有元士秩七品元士屬官有置令長秩八品令長屬官有署丞秩品品又減五等之爵始分為四曰王公侯子除伯男二號四帝欲法純質每於定制官

號多不依周漢舊名或取諸身或取諸物或以民事皆擬遠古雲鳥之義諸曹走使謂之鳧鴨取飛之迅疾也以伺察候占官謂之白鷺亦取其延頸遠望也自餘之官義皆類此神瑞元年春置八大夫官大人下置三屬官批理乃機故世號八公大帝二年夏置六部大人官有天地東西南北部皆以諸屬為之大人置三屬官自太祖至高祖其內外百官屢有減置或出當時不為常自如萬騎飛鴻常忠直意將軍之徒是也

賈誼新書曰王者官人有九等一曰師二曰友三曰大臣四曰左右五曰侍御六曰廝役知是以為源泉行是以為儀表問焉則應求焉則侍者為之師智是以為確砥行足

以為輔助明於進賢敢於退不肖內相匡正外相揚美謂
之友智足以謀國事行足以為民率仁足以合上下之忻
國有法則退而守之君有難則與民死之者大臣也修身
正行不愆於鄉與言語談說不作於朝走智能不困於事
業服一介之使能合兩君之歡執戟居能舉君之過失不
難以死持之者左右之臣也不貪於利不淫於色事君不
敢有二心居則不敢泄君之謀君有過失雖不能正諫以
其死持之而愁悴有憂色者侍御之臣也唯諛之行唯言
之聽睡毗之間事君者斯後也

通典曰唐開元年中判定職次著之為格蓋尚書省以統會
衆務奉持綱目門下省以待從獻替規駁非宜中書省以

獻納制冊敷揚宣勞秘書省以監錄圖書殿中省以供修

膳服內侍省以承旨奉引尚書門下中書秘書御史臺以

肅清僚庶九等太常光祿衛尉宗正太僕大五監少府將

軍器都水以分理群司六軍左右羽林左右龍武十六衛

左右衛左右驍左右武左右威左右領軍以嚴禁其禦一

詹事府二春坊內坊又有三寺守令率更十率左

衛左右司禦左右清道左右俾有儲官守督護分臨畿

服京府置牧錄府州置都督護太守

說苑曰應侯與賈子坐聞有鼓琴之聲應侯曰今之琴一

何悲也賈子曰夫張急調下故使之悲耳急張者良材也

調下者官卑也取夫良材而官卑之安能無悲乎應侯曰

善

仲長子昌言曰官之有級猶階之有等亦階越等其步也亂亂登朝級敗禮傷法是以古人之初任也雖有賢材皆以級賜進焉賈生有言治國取人務在求能故裁國之無利器猶鑿以鈎刀而望其切不亦踈乎

楊泉物理論曰吏者理也所以理萬機平百揆也武士宰民物猶使狼牧羊鷹養雉也是以人主務在審官擇人李李重集雜奏議曰古之聖王建官垂制所以體國經治而功在簡易自帝王而下世有增損舜命九官周分六職秦采古制漢仍秦舊倚丞相任九卿雖置五曹尚書令僕之職始於掌封奏以宣內外事任尚輕而郡守牧民官故漢

宣稱所與為治唯良二千石其有殊效者輒璽書勉勵或賜爵進秩禮遇豐厚得為大體所以遠蹤三代也及至東京雖漸優顯令僕出為郡守鍾離意黃香胡廣是也郡守入為三公虞延第五倫鮑昱是也自魏朝名守杜畿滿寵田預胡質等郡或二十年或秩中二十石假節猶不去郡或還不易方此亦古人苟善其事雖沒世不徙徒官之義也漢魏以來內官之貴於今最隆太始以前多以散官補臺郎亦徑補黃門中書郎而今皆數等而後至衆職率亦如此陵遲之俗未及端上之風未洽百事等級遂多遷補轉徙如流能否無以著黜陟不得彰此為治之大弊也漢法官人不得真秩京房為魏郡太守以八百石居之魏初用

輕貧先亦試守不稱則繼以左遷然則備才登進無能降
 退此則所謂有知必試而使人以器者也臣以為今宜太
 併郡等守級使同右古者明試守左遷之例官人之理盡則
 事必量能而受爵矣

桓温集畧表曰今天下分崩喪亂殄瘁雖道隆中興而戶
 口彫寡近方漢時不當一郡之民民戶既少則勢不多而
 當必同古制百官備職備實賓非大義隨時之宜且設官以理
 務務寡則官省官省以國治則職顯而人清故光武初興
 多所併省諸葛亮相蜀簡才併官此皆達治之成規今日
 之所先也宜從權制併官省職愚謂門下三省秘書著史
 通可減半右古以九卿綜事不傳尚書故重九棘也今事

內臺則九卿為虛設之位唯太常廷尉職不可闕其諸則
 外散官及軍府參佐職無所掌者皆併於若車駕郊廟籍
 用之屬凡諸大事於禮宜置者臨事權兼事訖則罷職既
 併則官少而才精職理則無害民而治道康矣

太平御覽卷第二百三

據宋板舊抄本校計七葉



太平御覽第二百四

職官部二

丞相上上四

尚書曰成湯居亳初置二相以伊尹仲虺為之

又君奭曰我聞在昔成湯既受命則有伊尹格于皇天

又說命曰高宗薨得說使百工營求諸野說築傅巖之野

惟肖爰立作相重置諸其左右命之曰朝夕納誨以輔台

德若金用汝作礪若濟巨川用汝作舟楫若歲大旱用汝

作霖雨啓乃心沃朕心若藥不瞑眩厥疾弗瘳若跣弗

厥足用傷

韓詩外傳曰田饒事魯哀公而不見察田饒謂哀公曰臣

將去若黃鵠舉矣哀公曰何謂也饒曰君獨不見鷄乎雖有五德君猶日滿而食之者何以其所從來者近也夫黃鵠一舉千里止君園池食君魚鼈啄君黍梁無此五德猶貴之以其所從來者遠也臣將去若黃鵠舉矣哀公曰止吾將書子之言也饒曰臣聞食其食者不毀其器蔭其樹者不折其枝有臣不用何善其言遂去之燕燕用為相三年燕政大治哀公喟然嘆息為之避寢

左傳曰仲虺君薛為湯左相

又曰齊桓公置鈞射而使管仲相

國語曰季文子相宣公成公無衣帛之妾無食粟之馬仲孫他諫曰子為魯上卿相二君矣妾無衣帛馬不食粟人

其以子為愛且不華國乎文子曰吾亦願之然吾觀國其父兄之食麤衣惡而我美妾與馬無乃非相人乎且吾聞之以德榮為華不聞以妾與馬文子以告孟獻子孟獻子囚之七日自是子服之妾衣不過七升之布馬餼不過稂莠餼未也稂童稂

史記曰黃帝得六相而天地治神明至

黃帝得蚩尤而明

地利得奢龍而辨東方得祝融而辨南方得風后而辨西方得后土而辨北方謂之六相

又曰堯舉八凱倉舒積數禱戲大臨龍降庭堅仲容叔連

陶字使主后土后土地以揆百事莫不時叙地平天成揆

也成亦舉八元伯奮仲堪叔獻季仲伯虎使布五教于四

方內平外成內諸夏謂之十六相亦曰

又曰秦悼武王二年始置丞相官樗里疾甘茂為左右丞相

又曰鄭以子產為相一年豎子不戲狎班白不提挈童子不犁畔二年市不豫賈三年門不夜閉道不拾遺四年田器不歸五年土無尺籍喪期不令而治鄭二十六年而死丁壯號哭老人兒啼子產去我死于民將安歸

又曰公儀休為魯相客有遺魚者不受客曰聞君嗜魚何故不受相曰以嗜魚故今為相能自給魚今受而魚誰復給我魚故不受食茹拔其園而弃之見布好而出其家婦燔其機云欲令農士工女定其所豈可害其貨乎

而其家婦燔其機云欲令農士工女安所售其貨乎

又曰石奢楚昭王相也堅直廉正無所避行縣道有殺人者相追之乃其父也縱其父還自繫使人言之王曰殺人者臣之父也夫以父立政不孝也廢法縱罪非忠也臣罪當死王曰追而不及不當伏罪奢曰不私其父非孝也不奉主法非忠也王赦罪上惠也伏誅而死臣職也遂不受命自剔而死

又曰五殺大夫之相秦也勞不坐乘暑不張蓋行國中不驅車乘不操干戈功名藏於府庫德行施於後世五殺大夫死國中男女流涕童子不歌謠春者不相杵

又曰秦莊襄王薨太子政立尊呂不韋為相國號稱仲

父

又曰二世亡誅李斯乃拜趙高為中丞相事無大小皆決之

又曰趙高為丞相欲為亂恐群臣不聽乃先設驗持鹿獻於二世曰馬也二世笑曰丞相誤耶謂鹿為馬問左右或

默或言馬以阿順趙高或言鹿高因陰中諸言或言鹿者以法

又曰韋丞相賢者魯人以讀術為吏至大鴻臚有相工相之當至丞相有男四人相之至第二字名玄成相工曰此

子貴當封侯丞相曰我為丞相有長子是安從得之後賢竟為丞相病死而長子有罪論不得嗣而立玄成

又曰魏相者濟陰人以文吏至丞相其人可此令諸吏帶

劔前奏事或不帶劔者當入奏辛事乃借劔而敢入

又曰匡衡為御史大夫歲餘常丞相至位死韋丞相付樂安侯衡十年之間不出長安城門位至丞相豈非遇時人合也

漢書曰陳平武陽人周勃沛人高帝即位以勃為右丞相

以平為左丞相帝問勃曰一歲決獄錢穀出入幾何勃不知汗出浹背上問平平曰有主者上曰主者誰曰決獄責

廷尉錢穀責治粟內史上曰君所主何是平曰臣主佐天子理陰陽調四時理萬物撫四夷上曰善於是出勃語平

曰君獨不早教我乎

又曰蕭何沛人陳豨反上自將聞呂后用何計誅韓信拜何相國何病惠帝自臨視何疾因問君百歲後誰可代君對曰知臣莫若主帝曰曹參何如何曰帝得之矣臣雖死無恨矣

又曰曹參沛人聞蕭何薨告舍人趨治裝吾當入相使者果召參為相擇郡國長史訥文辭謹厚者為丞相史參日夜飲酒賓客見參不事皆欲有言至者參輒飲以醇醉而後去終莫聞說

又曰蕭何拜相國益封五千戶兵卒五百人為衛衆人皆賀邵平獨吊謂何曰禍自此始也何乃讓封悉以家財佐軍上喜

又曰張蒼免相文帝以皇后弟竇廣國賢有行欲相之恐天下以吾私廣國久念不可高帝時大臣餘見無可者乃以御史大夫申屠嘉為丞相嘉為人廣直門不受私謁時大中大夫鄧通方愛幸賞賜累鉅萬文帝常燕飲通家是時嘉入朝而通居上旁有怠慢之禮嘉奏事畢因言曰陛下幸愛其臣則富貴之至於朝廷之禮不可以不肅朝罷嘉為檄召通通至詣丞相府免冠徒跣頓首謝嘉嘉坐自如弗為禮責曰夫朝廷者高皇帝之朝廷通小臣戲殿上大不敬當斬使吏令行斬之如淳曰嘉語其吏曰今便行斬之上度丞相已困通使使持節召通而謝丞相此語臣君釋又曰公孫弘潁川人武帝以弘為丞相掌列侯唯弘無爵

弄臣君釋之
曰抄本作小字
二行寫

詔封平津鄉侯六百五十戶丞相封侯自弘始也弘食一
肉脫粟飯故人賓客迎衣食家無餘財

又曰公孫賀字子叔此地人引拜為丞相不受印綬泣涕
曰臣本邊鄙鞍馬騎射不任宰相

又曰車千秋本姓田為高寢郎訟太子寃曰子弄父兵罪
當笞天子之干過誤殺人何罪哉臣嘗夢見白頭公教臣

言於是上召見千秋千秋體貌甚嚴帝說之曰高廟神靈
使公教我公當遂為吾輔相數月為丞相封富民侯千秋

一言寤主旬月至宰相世未嘗有
又曰蔡義河內人詔求能為韓詩音微義待詔久不進見者

義上疏曰臣行能無所比容貌不及衆而不弃人倫者竊

以聞於先師自託於經術願賜清閒之燕盡忠思於前上

召見說詩悅之擢為光祿大夫代楊敞為丞相時年八十
餘短小無鬚眉貌類老嫗行步偃僂常兩吏扶乃能行

又曰祁吉為丞相寬天好禮讓掾吏有罪輒予長休吉終
無所案驗客或謂吉侯為漢相奸吏成其私吉曰夫以三

公之府有案吏之名無竊陋焉後二代吉公府不案吏自
吉始也士馭吏嗜酒數逋蕩嘗從吉出罪嘔丞相車茵上

西曹主吏白欲斥之吉曰以醉飽之失去士使此人將復
何所容西曹忍之此不過汙丞相茵耳遂不去也

又曰王商字子威涿郡人為丞相有威重長八尺餘身體
鴻大容貌過人河平四年單于來朝引見白虎殿丞相商

坐未央庭中單于前拜謁商商起維席與言單于仰視商貌大畏之遷延却退天子聞而歎曰此真漢相也

又曰邴吉為丞相常出逢鬪者死傷橫道吉不問又逢人逐牛牛喘息吐舌止駐使騎吏問逐牛行幾里吏恠之吉

曰人鬪殺傷長安令京兆尹所當禁吾儻宰相不親小事方春少陽用事未可以熱恐牛近行此時氣失節三公典

調陰陽之所憂也

又曰薛宣為丞相相府辭訟例不滿萬錢不為移書後皆薄用薛侯故事然官屬譏其煩碎無大體不稱賢相也

又曰蕭賢字長孺為丞相年七十餘乞罷歸賜第丞相致仕自賢始也

又曰田蚡為丞相絀黃老刑名百家之言延文學儒教者數百人儒猶是興

又曰丞相有病皇帝法駕親至問疾及瘳視事則賜以養

牛上尊酒如淳曰律稱米一斗得酒一斗為上尊稷米一斗得酒一斗為下尊顏師古曰稷即粟也中尊者宜為黍米不當言稷且作酒自有壞淳之異為上中下耳非必繫於米也

詔曰有天地大變天下大過皇帝使侍中特節乘四白馬賜上尊酒十斛牛一頭策告殃咎使者去半道丞相追上

病使者還未白事尚書以丞相不起病聞若丞相不勝任使者策書駕輅馬即時布衣步出府免為庶人若丞相有

他過使者奉策書騅驪馬即時步出府乘棧車牝馬歸田里思過

又曰大司空朱博奏曰帝王之道不必相襲高帝置御史大夫次丞相與政度以職相參歷載二百天下安寧今更大司空與丞相同故事選中二千右為御史大夫任職者為丞相位次有叙所以尊聖德重國相也今中二千石未更御史而為丞相非所以重國政也臣願罷大司空以御史大夫為百僚師表哀帝詔從之

又曰相國丞相皆秦官金印紫綬掌承天子助理萬機秦有左右丞相高帝更名相國蕭何曹參並為之哀帝更名大司徒

漢書曰李通自為宰相謝病不視事連年乞骸帝每優寵之令以公位歸第養疾

漢舊儀曰丞相車兩黑轡騎者戈絳楛吏見禮如師白錄不拜朝示不臣也聽事閣閣曰黃閣無鍾鈴

漢雜事曰田蚡為丞相中二千石拜謁蚡不為禮汲黯為主爵都尉見蚡未常拜揖之而已

漢舊儀曰丞相有病皇帝法駕親至問疾薨即移於第中賜棺賻葬地葬日公卿以下會送

應劭漢官曰丞相有疾御史大夫日一問起居百官亦如之

魏志曰曹公初平十三年漢罷三公官置丞相御史大夫夏六月以公為丞相

又曰鍾繇字元常魏國初建為大理遷相國文帝在東宮

賜繇五熟金為之銘曰於赫有魏作漢藩輔厥相惟鐘寔
幹心膺靖公夙夜匪遑安處百僚師師楷茲度矩

蜀志曰諸葛亮率諸軍攻祁山魏明帝使張郃距亮亮使
馬謖督諸軍在前馬謖違亮節度為所破戮以謖謝衆上

既自貶以右將軍行丞相事

吳志曰張昭字子布初孫權當置丞相衆議歸昭權曰方
今事職充者貴重非所以優也後孫劭卒百僚復舉昭權
曰孤豈為子布愛乎顧丞相事煩而此公性剛所言不從
怨咎將至非所以益之

又曰顧雍為丞相孫權常遣中書郎詣雍有所諮訪若合
雍意事可施行雍即與相反覆究而論之為設酒食如有

不合雍即正色改容嘿然不言無所施設即退告權權曰
顧公權悅是事合宜也其不言者是意未平也孤當重思
之其見敬信如此

又曰萬或為右丞相王蕃周或曰魚潛於淵出水吹沫何
則物有本性不可橫處非分也或出自溪谷羊質虎皮虛

受光赫之寵跨越三九之位犬馬猶能識養將何以報厚
世乎或曰唐虞之朝無謬舉之材造父之門無駑蹇之質

曰上誣明選下訕禎幹亦何傷於日月多見其不知量耳
又曰顧雍字元歎吳郡人也代孫邵為丞相平尚書事其

所選用文武將吏隨能所任心無適莫時叅逮民間及政
職所宜輒密以聞若見納用則歸之於上不用終不宣泄

權以此重之

又曰步騭字子山代陸遜為丞相猶誨育門生于不釋書被服居處有如儒生然門內妻妾服飾奢綺頗以此見譏又曰陸凱遷丞相孫皓性不好人視以群臣侍見晴莫政廷凱說皓曰夫君臣無不相識之道若卒有不虞不知所赴皓聽凱自視

晉書曰東海王越為太傅問王尼何以獨不拜尼數越事非宰相以是不拜

又曰山濤薨魏舒領司徒有頃即真舒居位持重為任職不顯人之短咸推有宰相望祿賜散之九族家無餘財齊書曰褚淵美儀貌善容土俯仰進退盛有風則每朝會

百僚遠國莫不延首目送之宋明帝常歎曰褚淵能運行緩步便特此得宰相矣

又曰明帝顧命江祐兄弟及始安王遙光尚書令徐孝嗣領軍蕭坦之更曰帖勅時呼為六貴皆宰相也

齊職儀曰相國綠綬綬衮冕服湯以伊尹為宰相仲虺為右相高宗得傳說立為相魏相王以公孫衍為相邦趙孝成王以廉頗為相國

太平御覽卷第二百五

職官部三

丞相下王四

唐書曰貞觀二年太宗謂侍臣曰中書門下機要之司擢才而居任委實重詔勅如有不便皆須執論比來唯覺阿旨順情遂無一言諫諍者豈是道理若為署勅行文書而已人誰不堪何須揀擇以相委付自今已後詔勅疑有不穩必須執之

又曰米恒弟及第濟相次知政事時以為榮初濟父護兒在

隋為猛將而恒濟俱以學行見稱時虞世南子昶既無才術歷將作少匠工部侍郎累居工作之司濟忽升相位許

敬宗歎曰士之登庸不繁世業履道則為衣冠失緒則為匹庶來護兒兒作宰相虞世南男作木匠忠賢文武固無種也

又曰杜景儉為相則天常以季秋內月出梨花一枝示宰臣曰是何祥也諸宰臣曰陛下德及草木故能秋木再花雖周文德及行葦無以過也景儉獨曰謹按洪範五行傳陰陽不相奪倫瀆之即為災又春秋云冬無愆陽夏無伏陰春無淒風秋無苦雨今已秋矣草木黃落而忽生此花瀆陰陽也臣慮陛下布教施令有虧禮典又臣等添為宰臣助天理物理而不和臣之罪也於是再拜謝罪則天曰卿真宰相也

又曰武太后嘗召陸元方問以外事對曰臣備位宰相有大事即奏人間碎務不敢以煩聖覽

又曰蘇味道遷鳳閣侍郎同鳳閣鸞臺三品味道善敷奏多職臺閣故事然而前後居相位數載竟不能有所發明但脂韋其間苟度取容而已故時人號為模稜手以為口實

又曰宇文融既居相位欲以天下為己任謂人曰使吾居此數月庶令海內無事矣於是薦宋璟為右丞相裴耀卿為戶部侍郎許璟為工部侍郎甚允朝廷之望

又曰牛仙客既居相位獨潔其身唯諾而已所有錫賚皆緘封不敢費之百司或有所諮決輒對曰但依令式即可

若不依文非所知也

又曰開元二十二年十一月制宰相兼官者並兩給俸祿

又曰楊綰素以德行著聞質性貞廉車服儉朴居廟堂未數日人心自化御史中丞崔寬劍南西川節度使寧之弟家富於財有別墅在皇城之南池館臺榭當時第一寬即日潛追毀拆中書郭子儀在邠州行營聞綰拜相座內音樂減轍音五分之四京兆尹黎幹以承恩每出入駟馭百餘亦即日減損車馬唯留十騎而已其餘望風變奢從儉者不可勝數其鎮俗移風若此又曰肅宗時天下事殷而宰相不減三四負更直掌事若

休沐各在第有詔旨出入非大事不欲歷抵諸第肅宗許令直事者一人假署同列之名以進遂為故事

又曰李峴為黃門侍郎同中書門下平章事宰相不於政事堂邀客時海內多務宰相元載等見中官宣傳恩詔至中書者引之政事堂上仍置榻坐焉峴至叱左右去其榻也

又曰柳渾與張延賞同在相位延賞怙權矜已而嫉渾守政俾其所厚謂渾曰相公舊德但節言於廟堂則重位可久峴曰為吾謝張相公柳渾頭可斷也言不可絕自是竟為延賞所擠尋除右散騎常侍罷知政事

又曰柳渾為相而韓滉自浙西入覲朝廷委政侍之至於

調兵食籠鹽鐵勾官吏賦罰鉅豪強兼井上委仗為每奏
事或日干他相克亮位而已公卿救過不能暇無敢枝梧者
滉於省中榜吏至死渾雖滉所引心惡其專改正色讓之
曰先相公猶察為相不滿歲而罷今相公榜吏於省中至
死况省闈目非刑人之地相公柰何蹈前非刑於今朝專
立威福豈尊主俾臣之義也滉感悟愧悔為霽霽威焉
又曰李晟之在鳳翔也謂賓介曰魏徵能直言極諫致太
宗於堯舜之上真忠臣也僕所慕之行軍司馬李叔度對
曰此縉紳儒者之事非勲德所宜晟歛容曰行軍失言傳
稱邦有道危言危行今休明之期晟幸得備位將相必有
不可忍而不言豈所謂有犯無諱知而不為者耶是非在

入惟所擇耳叔度慙而退故晟為相每當上所顧問必極
言匪躬盡大臣之節沉默未嘗泄於所親

又曰關立本為右相與左相姜恪對掌樞密恪既歷任將
軍立功塞外立本惟善於圖畫非宰輔之器故時人以千
字文為之語曰左相宣威沙漠右相馳譽丹青

又曰皇甫鏘陰結權倖以求宰相崔郾累疏其奸奸嘗因
對面對論語及天宝開元中事郾曰安危在出今存亡繁

所任玄宗用姚崇宗璟張九齡韓休李元絃杜暹則理用
李林甫楊國忠則亂人皆以天宝十五年祿山自范陽起

兵是理亂分時臣以為開元二十年罷賢相張九齡專任
奸臣李林甫理亂自此已分矣用人得失所繫非小詞意

激切左右為之感動縛深啣之而憲宗終用縛為宰相
又曰李絳為相同列李吉甫便僻善逢迎上意絳梗直多
所規諫故與吉甫不協時議者以吉甫通於承權故絳亦
惡之絳性剛訐每與吉甫爭論人多直絳憲宗察絳忠正
自立故絳論奏多所允從

又曰貞元九年詔宰相以旬秉筆決事初至德中宰相迭
秉筆處斷每月一易及賈耽趙憬陸贄盧邁同平章政
事百寮其所關白更相讓不言於是奏議請旬秉筆者出
應之其後又請每日更秉其必迭以應事皆從之

又曰李藩拜門下侍郎時王鏐領太原用錢千萬賂貴倖
求兼相藩與權德輿在中書有密旨曰王鏐可兼宰相宜

即擬來藩遂以筆塗兼相字兼却奏上云不可德輿失色
曰縱不可宜別作奏豈有以筆塗詔耶曰勢迫矣出今日
便不可止日又暮何暇別作奏事果寢

又曰韓弘入朝以宣武舊事人多流言其子公武以家財
厚賂權幸及多言者班列之中悉受其遺俄而父子俱辛
孤孫幼子穆宗恐為廝養竊盜乃令中使至其家閱其宅
簿以付家老而也簿上具有納賂之所唯於牛僧孺官側
朱書曰某月日送牛侍郎物若干不受即付訖穆宗按簿
甚悅居無河何議命相帝首可僧孺之名

又曰李程為相敬宗冲幼好治宮室畧遊無度欲於宮中
營新殿程諫曰自古聖帝明皇以慈儉化天下陛下在諒

閭之中不宜與作願以瓦木迴奉園林上忻然從之
又曰文宗問宰相曰天下何由太平卿等有意於此乎牛
僧孺奏曰臣等待罪輔弼無能康濟然臣思太平亦無象
今四夷不至交侵百姓不至流散上無以淫虐下無怨讟
私室無強家公議無壅滯雖未及至理亦謂小康陛下若
別求太平非等所及既退至中書謂同列曰吾輩為宰
相天子責成如是安可久處茲地邪旬日間三上章請退
不許

又曰常處厚為相時文宗勤於聽政然浮於決斷宰臣奏
事得請往往中變處厚嘗獨論奏曰陛下不以臣等不肖
用為宰相參識大政凡有奏請初蒙聽納尋易聖懷若出

哀衷即示臣等不信若出於橫議臣等何名鼎司且斐度
元勳宿德歷輔四朝孜孜竭誠人望所屬陛下固宜親重
竇易直良厚忠事先朝陛下固當委信微臣才薄首蒙陛
下擢用非出他門言既不從臣宜先退即趨下拜陳乞上
矍然曰何至此耶卿之志朕欽素自知登庸作輔百職斯
舉縱朕有所失安可遽辭以彰吾薄德處厚謝之而去出
延英門復令召還謂曰凡卿所欲言並宜啓諭處厚因對
彰善癉惡歸之法制凡數百言又言裴度勲高望重為人
盡心切直宜久任可以壯國威帝皆聽納自是宰臣敷奏
人不敢橫議

又曰文宗朝宰臣楊嗣復因對奏曰使府判官令人數狼

多徒有費臣歛條疏上曰莫限及才人否嗣後曰有才人自別但澄去滓弊者菁華自出上曰蕭復為相難言者必言貞元之名相也卿其志之

又曰宋申錫為相尤以公廉為已任四方問遺悉無受者既被罪為有司驗劾多護其四方受領所還問遺之狀朝野聞之歎息

又曰宋申錫以障王事申錫既被罪怡然不以為意自中書歸私第止于外廳素服以俟命其妻出謂之曰公為宰相人臣位極於此何負天子反乎申錫對曰吾自書生被厚恩擢相位不能鋤去奸亂反為所羅網夫人察申錫豈反者乎因相與泣下數行

又曰李德裕父吉甫年五十一出鎮淮南五十四自淮南復相今德裕自鎮南復入相一如父之年

又曰會昌元年中書奏請依姚壽故事宰臣每月修時政記送吏館從之

又曰宣宗時魏謩為相奏曰臣無夔契之才驟叨夔契之任將何以仰報鴻私今邊戍粗安海內寧息臣愚所切陛下未立東信俾正人傳導以存副二之重因泣下上感而聽之先是畧朝人君不欲人言立儲二若非人主已欲臣下不敢獻言宣宗春秋高嫡嗣未辨謩作相之日率先啓奏人士重之

又曰曹確與畢誠俱以儒術進用並居相位廉潔貞苦君

子多之稱為曹畢

又曰蕭道與王鐸並居相位帝常召宰相鐸年高昇階足
跌踣勾陳中遣旁掖起帝目之喜曰輔弼之臣和子之幸
也謂遣曰適見卿扶王鐸喜卿善事長矣遣對曰臣扶王
鐸不獨事長臣應舉事鐸為主司以臣中選門生也上笑
曰王鐸選進士朕選宰相於卿無負矣遣謝之而退

太平御覽卷第二百五

據宋板舊抄本校計六葉

前空三行

太平御覽卷第二百六

職官部四

總叙三師

上卷四

太師

上卷二

太傅

上卷四

太保

上卷四

太宰

上卷四

總叙三公

上卷四

總叙三公師

上卷六

六典曰三師訓導之官也蓋天子所法師大抵無所統職
然非道德崇重則不居其位無其人則闕之

尚書云成王黜殷城淮夷歸豐豐作周官立太師太傅太保

茲惟三公論道經邦勞理陰陽孔安國曰師天子所師法

傳傳相天子保保安天子於德義禮記云設四輔及三公

太平御覽

卷第二百五

不必備唯其人語使能也

六典云漢承秦制不置三公漢末以大司馬大司徒大司空為三師公司傳之官位在三公上後漢因之師傳尊號曰上公置府僚魏晉江左皆然後魏太師太傅太保尊號曰三師後周又為三公隋氏又為三師

太師

毛詩曰尹氏太師維周之氏氏秉國之鈞鈞四方是維天子是

毗俾民不迷箋云毗輔也言尹氏居太師之官持國政之平維制四方

又曰維師尚父時惟鷹揚諒彼武王肆伐大商

大戴禮曰天子不論於先聖王之德不知君國畜民之道不見禮儀之正不察應事之理不博古之典傳不閑威儀

之數禮樂無經學業不法凡是其屬太師之任也

逸禮曰太公為太師周公為太傅召召公為太保

史記曰周文王得呂尚於磻溪以為師謂之太公武王嗣

位號曰師尚父成王即政尊為太師

漢書音義曰師訓也

應邵漢官儀曰孝平皇帝元始元年太后詔曰太師光今年老有疾俊又大臣惟國之重書曰無遺老成國之將興尊師重傳其令太師無朝十日一賜餐賜以靈壽杖黃門令為太師於省中施坐置几太師入省用杖焉

續漢書曰趙典篤學博文宜備備國師即師也

獻帝春秋曰董卓自號太師御史中丞以下皆拜皇甫嵩

與卓爭權後嵩為中丞見卓拜卓曰可以服未嵩曰安知
明公乃至於是卓曰鴻鵠固有遠志但燕雀不知耳嵩曰
昔與明公俱為鴻鵠但公今日變為鳳凰卓笑曰卿早服
何得不拜

晉書戴記曰蜀李壽以安車束帛聘龔柱為太師柱固辭
特聽縞巾素帶居師友之位

宋書曰太師太保為三公訓護人主導以德義天子
加拜待以不臣之禮非人則闕矣漢至保傳在三公上號
曰上公自後常然

隋書曰高祖受禪李穆來朝高祖降坐禮之拜太師贊拜
不名貞食成安縣三千戶於是穆子孫雖在襁褓拜儀同

其一門執象笏者百餘人穆之貴盛當時無比

唐書曰太宗降手詔曰朕觀前代明王聖主曷嘗無師傅
哉况朕鍾百王之末智不周物其無師傅何以匡朕之不
逮詩不云乎不愆不忘率由舊章宜依古道置三師位也
通典曰太師古官殷紂時箕子周武王時太公成王時周
公並為太師周公薨畢公代之秦及漢初並無至平帝元
始元年初置以孔光居焉金印紫綬位在太傅上

太傅

大戴禮曰傳傳之德義也天子無恩於父母不惠於庶
人無禮於臣不中於折獄不哀於喪不敬於祭不信於諸
侯不議於戎事不厚於德不強於行不從太師之言凡是

之屬太傅之任也

漢書曰王莽權日盛孔光憂懼不知所出上書乞骸骨莽

曰太后帝幼小宜師傳領宿衛明年徙從為太師莽為太傅

光嘗稱疾不敢於與莽並

漢書音義曰傳覆也

東觀漢記曰詔云行太尉事趙喜三業在位為國元老其

以喜為太傅

又曰胡廣為太傅總錄尚書事時年八十而心立克壯斷

毋在堂朝夕瞻省傍無几杖言不稱老練達事體明解朝

章雖無蹇直之風屢有補闕之益

又曰鄧禹字仲華以元功拜太傅進見東向甚見尊寵

又曰卓茂字子康世祖即位求茂謂見年七十餘拜大傅封宣德侯賜几杖

後漢書曰張禹遷為太傅鄧太后以殤帝初育育生也欲令

重臣居禁內乃詔禹舍官中給帷帳牀褥太官朝夕進食

五日一歸府每朝見特贊與三公絕席

續漢書曰太傅掌以善道無常職無每帝即位輒置一人

錄尚書事幾輒省之

華嶠後漢書曰鄧彪字智伯為太傅賜爵關內侯百官總

已以聽於彪恩寵之異莫與為比焉

應邵漢官曰太傅古官也周成王時康叔為之

高后元年初用王陵金印紫綬

又曰和帝冊故太尉鄧彪曰元功之族三讓弥高今以彪

為太傅

魏志曰鍾繇遷太傅繇有膝疾拜起不便時華歆亦以高年疾病朝見皆使載輿車虎賁昇上殿就坐是後三公有疾遂以為故事

晉書曰何曾為太傅乞遜位詔會朝劔履乘輿上殿如漢相國蕭何田千秋魏太傅鍾繇故事

宋書曰晉宣帝為魏太傅誅曹爽後置左右長史掾屬舍人各十人事既非常加又領兵非准例也

齊職儀曰太傅品秩冠服同太宰成王即位周公為太傅遷太師秦無具職漢惠帝崩呂后以丞相王陵為少帝太

傅位在三公上

後魏書淮陽王欣太統中為太傅文帝謂欣曰及三為太

傅再為太師自古人臣未聞此例欣遜謝而已

北齊書曰高歸彥作亂兗州詔段詔歆與東安王婁叡率眾

討平之遷太傅賜女樂十人并歸彥果園一千畝

後周書曰王盟為太傅明姿度弘雅仁而汎愛雖位居師

傳禮冠釋后而謙恭自處未嘗以勢位驕人魏文帝甚尊

重之

賈誼新書曰昔周文王使太公望傳太子發嗜鮪鮪魚

而公弗予文王曰發者鮪魚何為弗予太公曰禮鮪魚不

登乎俎豆豈有非禮而可以養太子哉

語林曰太傅府有三才裴邈清才潘陽中仲大才劉慶孫長

中

長才二字同抄本作長

曹植輔臣論曰蓋精微聽察理折毫分規矩可則阿保不
項傾群言系于口而研覈是非典誥總總乎心而唯所用之者
鍾太傅也

王廙之保傳箴曰保傳之賢明宗國寧輔弼之不忠禍及
于躬無曰父子無間昔有藩崇無曰至親無二容江充

太保

周禮曰保氏掌諫王惡諫者以禮義正之也

大戴禮曰天子處位不端受業不敬言語不序聲音不中
律進退升降不以禮俯仰周旋無節凡此之屬太保之任
也

尚書太傅曰成王在豐欲宅洛邑使召公先相宅六日乙

未王朝步自周則至于豐惟太保先周公相宅太保召公

觀也

應邵漢官曰太保古官也保養也

晉書曰王祥字休徵泰始元年拜太保三年御史中丞侯

史光上言祥久以疾病闕廢朝會應免官詔曰太保耆艾

元老高行清粹朕所毗倚以隆道弘治者也前後遜讓不

從所執此非有司所得議也其寢光奏

晉起居注曰太保衛瓘明允篤誠有匪躬之志其給千兵

騎百人

齊職儀殷太甲時伊尹為太保周成王時召公為太保

崔鴻十六國春秋蜀李雄錄曰雄異母兄始字伯敬為太

保善撫士衆衆多歸之時人爲之語曰欲養老屬太保
呂氏春秋曰荆文王得如黃之狗宛路之贈以田於雲夢
三月不反得丹陽之姬暮年不聽朝保申曰先王不以臣
爲保吉今王暮年不聽朝朝王之罪當笞王伏臣將笞王王
曰不穀免於襁褓而齒於請侯願請變更而無笞保申曰
臣承先王之令不敢廢也王不受笞是廢先王之令也臣
寧抵罪於先王王曰敬諾引席王伏保申束細箭五十跪
而加之于背如此者再謂曰王起王乃變更召保申叔如
黃之狗折宛路之贈放丹陽之姬兼國三十九保申之力
也

太宰

上壹五

周禮天官上曰太宰之職掌建邦之六典佐王治邦國
又曰太宰以九兩繫邦國之民兩猶合之言摯者以維
尚書伊訓曰百官總已以聽冢宰伊尹乃明言烈祖之成
德以訓于王湯有功烈之祖故稱言功即太甲也

又曰冢宰統百官均四海

家語曰官屬不治分職不明法政不一百事不記日亂紀亂

則飾冢宰飾謂整攝

晉書曰武帝時何曾屢上書遜位詔以司徒所掌煩務不
可以久勞着艾其進位太宰朝會乘輿劍履上殿以漢蕭
何魏鍾繇故事

又曰何曾爲太宰年老禮優每召見勅以常所飲食服物

自隨令二千侍從

又曰太宰兼與王導道同受顧命輔成帝時帝幼冲詔兼依

安平獻王孚故事設牀帳於殿上帝親迎拜

又曰安帝以太宰瑯琊王德文不宜嬰帑事務以紆論道

之重可袞冕之服綠熟盤受羽葆鼓吹熟盤又曰盤綠也草名也出

瑯琊平昌縣以次可

晉公卿禮秩曰安平王孚朗陵公何曾汝南王亮皆為太

宰

齊職儀曰太宰品第一金章紫綬佩山玄五堯命羲和使

主陰陽之職羲百司天即天官也后魏伏事虞夏敬授民

時尊稷為天官夏衰稷後不窳失官由是廢稷殷以其官

為冢宰周公在鄆為太宰召公又居之秦漢魏無其職晉

武以從祖安平王孚為太宰安平薨省咸寧四年又置或

謂本太師之職避景皇諱改為太宰周之卿位晉武依周

置職以尊安平非避諱也元興中恭帝為太宰相玄都督

中外博士徐豁議太宰非武官不應都督非從豁議

後周書曰文帝依周禮建六官遂置天官大冢宰卿一人

掌邦理以建之六典佐皇帝理邦國

通典曰太宰於殷為大太於周為大卿亦曰冢宰周武王

時周公始居之掌建邦之理秦漢魏並不置晉初依周禮

備三公三公之職居太師首景帝明師故置太宰以代之

而以安平獻王孚居焉

仲長統昌言曰冢宰堯官也尚書曰冢宰一曰掌邦治官
府以紀萬民二曰教典以安邦國以教官以擾萬民三曰
禮典以統百官以和邦國以諧萬民四曰政典以平邦國
以正百官以均萬民五曰刑典以誥邦國以任百官以生
萬民魏温子昇為上黨王穆讓太宰表曰臣聞策蹇長途
終慙一日之致懸縷層臺難任千鈞之重固知才弱不可
自強力微難以企及智小謀大恐貽折足之憂才輕任重
懼有絕臙之悔既慮鑠金固陳匪石

總叙三公

六典曰三公論道之官也蓋以佐天子理陰陽平邦國所
統故不以一職名其官

尚書曰惟茲二公論道經邦燮理陰陽

周禮曰三槐三公位焉

公羊曰三公者何天子之相

春秋漢合孳曰三公在天為三台九卿為北斗三公象五
嶽九卿法河海二十七大夫法山陵八十一元士法谷阜
合為帝佐以匡綱紀

史記曰公孫弘以春秋白衣為天子三公漢初因秦置丞
相而弘為之則丞相為三公矣

漢書曰六符孟康曰秦階三台也凡六
星也六符星之符驗也

晉書曰文帝為晉王何曾與高柔鄭冲俱為三公將入見
曾獨致拜盡敬二人猶揖而已

晉官品令曰三公線綬綬也

綬音

宋志曰三公黃閣前史無其義按禮記曰士禕與天子同

公侯大夫則異鄭玄注云士賤與君同不嫌也夫朱門洞

啓當陽之正色也三公之與天子禮秩相亞故黃其閣以

示謙不敢斥天子宜是漢來制也

鞞音

通典曰隋置太尉司徒司空以為三公參議國之大事依

北齊置府寮無其人則闕祭祀則太尉亞獻司徒奉俎司

空行掃除其位多曠行事則攝

天文錄曰三台星一名三能一名天柱三公之位也在人

曰三公天曰三台

陶氏職官要錄曰三台擬三公黃帝以風后配上台天老

配中台五聖配下台

韓子曰背私曰公三象鼎足數三法光

傅子曰三公者佐天子理陰陽

環濟要畧曰三公者象鼎曰足共承其上也

說苑曰三公正天下調陰陽節風雨

右今通語曰具官同爵共位別職與仁隆化幽替神明者

謂之太尉和五教理人倫使風行俗平萬國咸寧者謂之

司徒使國無枉理法錯刑清事均民聚者謂之司空若仁

義之路開和平之氣通則五星順行庶績咸熙

李固奏記曰湯問伊尹公卿大夫其相何如伊尹對曰三

公智通大道應變不窮者也其言足以調陰陽正四時節

風雨非大罪不遜位

太平御覽卷第二百六 據宋板舊抄本校 計九葉

太平御覽卷第二百七

職官部五

太尉

司徒上

太尉

上卷六

禮記月令曰孟夏之月命太尉贊傑俊蔡邕章句曰太尉卿官

春秋運斗樞曰赤龍負圖以出河見堯與太尉舜等百二

十臣集發藏大麓

春秋合誠圖曰堯坐中舟與太尉舜臨觀鳳凰皇授圖

史記曰孝惠帝六年置太尉官

漢書曰太尉秦官也掌武事

又曰高祖言周勃重厚而少文然安劉氏者必勃也可為

太尉

東觀漢記曰劉彪字智伯為太尉在位清白廉讓以率下
又曰張輔字孟侯為太尉父尚在輔每遷轉乃一到雒父
來適會正臘公卿罷朝俱賀歲奉酒上轉輔父壽極欣醺莫
不嘉其榮也

後漢書曰楊震字伯起嘗客於湖外不荅州郡禮命數
十年衆人謂之晚暮而震勵志踰篤後有鸛雀街三鱣魚飛
集講堂前都講取魚進曰凡鱣者卿大夫之服象也數三
者法三台也先生自此昇矣後果位至太尉

又曰劉寬為太尉靈帝頗好學藝每引見寬令講經寬嘗
於坐座被酒睡伏被加也為帝問太尉醉耶寬仰對曰臣不

敢醉但任重責火大憂心如醉

又曰張禹為太尉時連歲災荒府藏空虛禹上疏求入三
歲租稅以助郡國廩假廩給也許之

又曰楊震代劉愷為太尉帝舅大鴻臚耿寶薦中常待侍李
閏兄於震震不從寶乃自往候震曰李常侍國家所重欲
令公辭其兄寶唯傳上意耳言非比本心震曰如朝廷欲

令三府辟公固宜有尚書勅遂拒不許寶大恨而去
又宦者傳曰曹崇嵩靈帝時貨賂中官及輸西園錢一億萬
故位至太尉

續漢書百官志曰太尉一人掌方岳事物功課歲盡則奏
其殿最而行賞罰世祖即位為大司馬

又曰太尉郊廟掌亞獻大裘告謚南郊

又曰王龔為太尉在位恭慎自非公事不通州郡書記其所辟命皆海內長者

謝承後漢書曰鄭弘為陵淮太守行春有二白鹿隨車夾轂而行弘怪問主簿黃國鹿為吉凶賀曰聞三公車輻盡作鹿鳴府當為宰相弘後果為太尉

又曰陳蕃拜太尉臨朝嘆曰黃憲若在不^數敢先佩印綬

又曰鄭弘字巨君為太尉舉將弟^第五倫為司空位在下每正朝見弘曲躬自卑帝知遂置雲^母屏風分隔弘由此以為故事

又曰京兆朱寵字仲威為太尉家貧食脫粟飯卧布被朝

廷賜錦被梁肉皆不敢當

華嶠後漢書曰安帝即位太尉徐防以災異寇賊策免就國凡三公以災免自防始也

袁山松後漢書曰太尉劉虞讓位於羊續靈帝時為三公者皆輸禮錢千萬續舉襁袍以示之曰臣之所有唯此而已遂不代虞

張璠漢記曰楊秉字叔卿為太尉嘗曰我有三不惑酒色財也天下稱為名公

漢書百官表曰太尉秦官金印紫綬掌武事周勃灌嬰周亞夫等為之

又百官表注曰太尉右官也自上安下曰尉故官以為號

應邵漢官儀曰章帝詔曰司空牟融典職六年勤勞不息其以融為太尉錄尚書事

又曰冲帝冊書曰太尉趙峻貳掌樞衡有匪石不貳之心又曰三公國之禎幹朝廷取正以成斷金大司農李固公族之苗忠正不撓有史魚之風其以固為太尉

又曰河間相張衡說明帝以為司徒司空府以榮欲更治太尉府府公南陽趙喜也西曹掾安眾鄭君素好名節以為朝廷新造北宮整飭宮寺今府本館陶公主第舍員職鮮少自是相授喜表陳之即見聽許其冬帝辛辟雍歷二府光觀壯麗而太尉府獨卑陋顯宗東顧嘆息曰屠牛縱酒物令乞兒為宰

漢官典職曰太尉孝文三年置七年省武帝建元二年置五年復省更名大司馬建武二十七年復置太尉

魏志曰文帝踐祚鍾繇遷太尉時華歆王朗並先世名臣帝罷朝謂左右曰此三公者乃一代之偉人也後日殆難繼矣

又曰華歆拜太尉歆疾乞退讓位於管寧文帝不許臨當大會乃遣散騎常侍繆錫奉詔諭旨曰朕新蒞庶事一日萬機懼聽斷之不明賴有德之臣左右朕躬君其力疾就會以惠予一人將立几筵命百官摠已以須君到然後御坐

又曰鄧艾字士載既平劉禪詔曰艾曜威奮武深入虜庭

斬將奪旗梟斬鯨鯢使僭號之主稽首係頸歷世逋誅一朝而平兵不踰時戰不終日震徹席卷蕩定巴蜀雖白起破強楚韓信克勁趙吳漢擒子楊陽亞夫滅七國計功論美不足比勲其以艾為太尉增邑二萬戶

又曰王祥字休徵為太尉司馬文王進爵為王祥與司徒何曾司空荀顛並詣王顛曰相王尊重今可相率而拜祥曰相國勢位誠為尊貴然乃是魏之宰相吾等魏之三公公王相去一階而已班列大同安有天子三司可輒拜人者耶損魏朝之美虧晉之德君子愛人以禮吾不為也及入荀顛遂拜祥獨長揖文王謂祥曰然後知君子見顛之重

曰此本入工無及字空格

吳志曰孫皓詔曰范慎勲德俱茂朕所敬憑宜登上公以副聚望衆可為太尉

晉中興書曰郗鑒為太尉雖在公位冲心愈約勞謙日亥誦翫墳索自少及長身無擇行家本書生後因喪亂解巾從戎非其本願常懷慨然咸康五年秋寢疾上疏遜位優詔不許

又曰桓温授侍中太尉固讓不受旬月之中使者八至輶軒相望於道温送親職

謝靈運晉書曰秦有太尉掌兵漢仍修之或置或省是故司馬之官主九伐之職

齊職儀曰魏文黃初二年日蝕奏免太尉賈詡詔天地災

害責在朕躬勿貶三公遂為永制

五代史後唐書莊宗御文明殿冊齊王張全義為守太尉

如常儀禮畢全義於尚書都省領事宰臣群官羣在列在諫

議實專不降階為御史所劾專援引舊典以對時宰臣不

記故事無能詰責寢而不行

汝南先賢傳曰陳蕃拜太尉讓曰齊七政訓五兵臣不如

議郎王暢

天文錄曰三公星在北斗杓柄南主宣德化和陰陽若今天

計司空之象也

勢學虞冊隴王太尉文曰朕惟君行為時表親則宗臣論道

經邦保乂皇家是用進登上台

司徒上上臺五

尚書舜典帝曰契百姓不親五品不遜五品五常遜順也汝作司

徒而敬敷五教在寬五帝之教務在寬也

禮記王制曰司徒脩六理以節民性明七教以興民德齊

八政以防民淫一道德以同欲俗養耆老以致孝恤獨以逮

不足上賢以崇德簡不肖尚以黜惡司徒地官掌都教也

又曰月令曰孟夏之月司徒行縣鄙蔡邑月令章句曰司徒教官也

又曰契為司徒而民成謂知五教之禮也

毛詩緇衣曰緇衣美武公也父子並為周司徒善於其職

國人宜之故美其德以明有國善善有功焉

周禮曰乃立地官徒師徒師其屬而掌邦教以左王安擾邦

又曰云：曰抄本另提行

國優亦也又曰大司徒之職掌建邦之土地之圖與其人民之數也佐王安擾邦國以天下土地之圖周知九丹之域廣輪之數辨其山林川澤丘陵墳衍原隰之名物

又曰地官曰大司徒之職凡建邦國以土圭土其地而制其域土其地猶言其地也

又曰大司徒之職以五禮防萬民之偽而教之中禮所以其行得中使以六樂防萬民之情而教之和樂所以蕩正民應和也

又地官曰大司徒之職以保息六養萬民一曰慈二曰安幼保息謂安之也慈二曰養老三曰振窮四曰恤貧五曰寬疾六曰安富安富為安其徭役不專取

春秋傳曰祝鳩氏司徒也

尚書太傳曰百姓不親五品不訓則責司徒

韓詩外傳曰君臣不正人道不和國多盜賊人怨其上則責之司徒

論語摘輔像曰仲尼為素王顏淵為司徒

家語曰地宜不殖則物不蓄蓄萬萬民飢寒教訓不行風俗淫僻人民流散曰危危則飭司徒整攝謂

漢書曰祝良字仲子東海人為大司徒鮑恢為長史以事至東海過其家見良妻布衣徒跣曳柴從田中歸恢告曰

我司徒史也故來授書欲見夫人妻曰妾是也若掾耶恢下拜之嘆息而歸

東觀漢記曰鄧禹為司徒討赤眉不以時進光武書司徒
堯也赤眉傑也傑今長安飢民孰不延望

又曰袁安為徒司每朝會小憂念王室未嘗不流涕
又曰郭丹為徒司在朝名清廉公正

後漢書曰蔡茂字子禮代戴涉為司徒在職清儉匪懈茂
初在廣漢亭在大殿之極上有三穗禾茂跳取之得其中

穗輒復失之主簿郭賀離席慶曰大斲者官府之刑象也
極而有禾人臣之上祿也取其中穗中台之位也於字禾

失為秩雖曰失之乃以得祿秩也衮職有闕君其補之旬
月而茂徵焉辟賀為掾

又曰光武即位高邑使使者持節拜鄧屬為大司徒策曰

前將軍禹琛執忠孝與朕謀謨帷幄決勝千里孔子曰自

吾有回門人日親斬將破軍平定山西功效尤著百姓不

親五品不遜汝作司徒敬敷五教在寬今遣奉車騎都尉

授印綬封為鄼侯邑萬戶其敬之哉禹時年二十四又曰

范遷為司徒有宅數畝田不過一頃復推與兄子其妻常

謂曰君有四子而無立錐之地

又曰張湛稱疾不朝後大司徒戴涉被誅涉字叔平冀州清河人也坐所

舉人帝強起湛以代之湛至朝堂遺失漉便漉音所流

反因自陳疾篤不能復任朝事遂罷之

又曰馮勤遷司徒先是三公多見罪退帝賢勤欲令以善

自終因讎見從容戒之曰朱浮上不忠於君下陵轢同列

竟以中傷至今

朱浮為大司徒生賣弄國恩又為

死生吉凶未可知豈不惜哉人臣於逐受誅雖復追加賞

賜賻祭不足以償不訾之身

訾量也言無量可訾與資同

忠臣

孝子覽照前代以為鑑誠能盡忠於國事君無二則爵賞

光乎當代功名列於不朽可不勉哉勤愈恭約盡忠號稱

任職又曰宣秉字巨公拜大司徒所得俸祿以收養親族

自無儋石之儲

又曰鮑昱代王敏為司徒賜錢帛什器帷帳

又曰司徒公一人掌人民事凡教民孝悌遜讓謙儉養生

送死事則議其制建其度凡四方民事功課歲盡則奉其

而行罰殺最凡郊祀之事掌牲祀濯

謝承後漢書曰劉寵為司徒卧粗布被

漢官典職曰司徒本丞相官哀帝改為大司徒主司徒衆

馴五品府與蒼龍闕對厭於尊者不敢稱府也

魏志曰華歆字子魚拜司徒歆素貧祿賜以賑施親戚故

人家無擔石之儲公知嘗並賜沒入生口唯歆出而嫁之

帝嘆息下詔曰司徒國之雋老所與和陰陽理庶事也今

太官重膳而司徒蔬食甚無謂也特賜衾衣及其妻子男

女皆作衣服

又曰黃初元年改相國為司徒銜史大夫為司徒空奉掌

郎中令為太司徒

魏名臣奏曰黃門杜恕奏曰漢故事人民病疾責之司徒
蜀志曰許靖字文休及先主即尊號策靖曰朕獲奉洪業
君臨萬夙霄徨徨不能綏百姓不親品不遜汝作司徒其
敬敷五教在寬石其最哉秉哉無怠稱朕意焉靖雖年踰
七十愛樂人物納誘進清談不倦丞相諸葛亮皆為之拜
吳錄曰丁固為司徒初為尚書夢松樹生其腹上謂人曰
松字十八公也後十年吾當為公平遂為夢焉

太平御覽卷第二百七

據宋板舊抄本校計八葉

太平御覽卷第二百八

職官部六

司徒下

上四

司空

上三

晉書曰王渾字玄仲遷司徒仍嘉兵渾以司徒文官主吏
不待兵持乃吏屬降衣自以非是舊典皆令皂服論者美
其而讓識體

又曰石苞為徒司秦州邵農桑未有賞罰之制官遣緣屬
循行皆當均其土宜舉其殿最然後黜陟焉詔曰農殖者
為政之本有國之大務也雖欲安民與化不先富而教之
其道無由而至今四海多事軍國有廣嘉亟征役之後屬
有水旱之患倉庫不充百姓無積稼穡樹藝司徒掌之今

雖登論道經然國立政唯時所急故陶唐之世稷官為重
今徒司位當其任有毀家紓國乾乾匪躬之志至其使司徒
督察州郡播殖其增置掾屬十人聽取王官更練事業者苟
在位稱為忠勤帝每委任焉

又曰何邵劭曾之子也永康初遷司徒趙王倫篡位及三王
交爭邵以先軒冕而游其間無怨之者

又曰何魯字穎考以太保侍中領司徒用魯國讓詔曰司
徒舊承相之職自古及今摠論人物化治之本以君弘道
故選於衆而復盤桓非所聞也

又曰魏舒為司徒不待激厲不課人短陳留周震為儲府
所辭書既不公輒亡僉號震曰殺公掾舒辭之果無患

又曰王戎代王渾為司徒高選長史西掾委任責成戎形
狀短陋而目明徹威儀不足常畜馬舉無且不出親類之
亡無不吊也常以象牙竿晝夜竿計家遠財反田性牧又
至儉不能善自奉養財不出外天下之人謂之膏肓音之病
又曰山濤為司徒固辭敕斷表卧嘉章綬曰豈可以垂沒
之年汗惡乎逕出歸家

又曰魏舒字陽元為司徒年過致仕有遜讓意而無居宅
乃漸以奉秩之余為第一所舒舒素後人先行而後言故
未曾語親踈言當遜位九年正月整法服入殿朝會罷逕
還奉送章綬內外莫有知舒此情者

曹家之晉記曰王戎再至司徒委事掾屬乘小馬從便門

出見者不知是台司也

晉諸公讚曰司徒傅祗疾遜位不許板輿工殿

晉中興書曰劉愧從兄疇字王喬有重名司徒蔡謨每

歎曰若使劉王喬得南渡司徒公之美選也

又曰蔡謨字趙名遷司徒謨固讓曰若我作司徒將為後

代西咄義不敢拜詔數十下謨章表十餘上陳以疾篤帝臨

軒自朝至申而徵不至公卿以蔡公傲無人臣之禮奏送

謨廷尉謨率子弟詣闕稽顙詔免為庶人

齊職儀曰司徒品秩冠服同丞相郊廟服冕同太尉漢哀

帝從朱博議始置三司改丞相為大司徒以孔光為之魏

以華歆為之

北齊書曰孔騰初北境亂內王一女及貴推訪不得疑其

為人婢及為司徒婢訴良者皆免之願免千人莫得其女

神武知之大怒遂解司徒

隋書王誼為大司徒蘇武立議以為戶口茲多民田不贍

欲減功臣之地以給民誼奏曰百官者歷世勲賢方蒙爵

上一旦削之未見其可知臣所慮王怒朝臣功德不進何

患民田有不足上然之竟寢成議

唐書曰太和四年守司徒裴慶上表辭冊命言臣此官已

三度受冊有覲顏目從之

九州春秋曰靈帝賣官廷尉崔烈入錢五百萬以買司徒

烈子均亦有時名烈問曰吾作公天下人謂何如對曰大

人少有高名不謂不當為公今登其位海內嫌其銅臭烈
舉父擊之均走烈曰子受公榭而走可謂孝乎孝曰舜之
事父少杖則受人杖而走不陷父於不義烈曰尔以吾為
瞽聵耶

華陽國志曰自建武之後群儒修業開案圖緯漢之宰相
當出坤鄉於是司徒李公屢登七政人傳牙堅弈代論道

矣

荀氏家傳曰組字大章中宗為晉王時將徵為司徒問太
常賀循循曰組舊望清重勤勞顯著遷順五品以統人倫
寬客實人望詔以組為司徒

江氏家傳曰江統字應元時太傅從事中郎庾子高以風

韻見重亦雅見君德每云當今可以居司徒允民望者江
生其人也

管子曰昔者黃帝得祝融辨南方故使為司徒

符子曰魯侯欲以孔子為司徒將召三相而議之乃謂左
丘明曰寡人欲以孔子為司徒而授以魯政焉寡人將欲

詢諸三子左丘明曰孔丘聖人與夫聖人在政過在離位
焉君雖欲謀其罪弗合乎魯侯曰吾君奚以知之丘明曰

周人有愛裘而好珎羞為千金之裘而與狐謀其皮欲具
少牢之珍而與羊謀其羞言末卒狐相率逃於丘重之下

羊相呼藏於深林之中故周人十年不制一裘五年不具
一牢何者周人之謀失之矣今君欲以孔丘為司徒召三

桓而議之亦與孫謀表與羊謀蓋哉於是魯侯遂不具三桓謀而召孔丘為司徒

典畧曰契為司徒百

姓和親夔主賓客遠人畢至

蔡邕申鼎銘序曰惟建寧四年春三月進公登土王前廷

乃制詔曰其以司空橋玄為司徒公拜稽首三讓然後受

命

曹殖輔臣論曰辨博通幽見傳異度得寬客塞于內知謀

縱橫於外解疑釋滯剖散盤者主司徒

荀最答詔曰咸寧四年司徒何曾遷太宰詔問最司徒處

當得人副遠近之望并治事見才誰可也最表三公具瞻

之望誠不可用非其人昔魏文帝用賈詡為公孫權笑之

尚書令李胤忠亮高潔限處台輔

宋謝莊為比中郎謝蕪司徒章曰臣聞燮理陰陽寅亮天

地弗惟其官無人則闕司徒掌敷五典職擾兆民豈悟乾

靈岡遺先渥房闡不次之任殊絕蕃岳豈可權師三事假

備六符慙震周迴顧步交慄

司空

尚書曰舜曰咨四岳有能奮庸熙之載奮明也僉曰伯

禹作司空帝曰俞咨禹女平水土惟時懋哉帝曰然有平

水災之功惟是勉之

又曰司空堂邦土居四民時地利官卿士國空亡民使

懷天時分地利也

禮記玉制曰司空執度度地司空冬官即掌邦量地遠近

制邑井與事任力事謂築邑宿市

春秋昭四年爽鳩氏司徒也

續漢志曰司空為冬官掌邦事凡營城邑復溝洫修憤防

之事則議其利建其功四方水土功課歲盡則奏殿最而

行賞罰凡國有大造大疑課畫與大尉皆同

春秋元命苞曰危東六星兩兩而北曰司空主水金木守

之天下憂水

韓詩外傳曰山陵崩陲川谷不通五穀不殖草木不茂則

責之司空

尚書大傳曰溝瀆擁過水為民害田廣不墾則責之司空

尚書形德于曰禹長于地於里水泉九州得括象圖故堯以

為司空

家語曰度量不審舉率事失理都鄙不修財物失所曰貧也

則飭司空整飭謂攝

又曰魯定公以孔子為司空乃別五土之性五土山陵川

原澤丘陵墳而物其所生之宜哉咸得厥所

漢書曰成帝綏和元年始更名御史大夫曰大司空

初改為司空議者又以孫通官有獄司空故復加為大司空亦所以別大小之文

又曰彭宣字子佩為大司空而王莽為大司馬宣上書曰

三公鼎足承君一足不任則覆亂美質成老病願上印綬

又曰何武字君卿為司空事^後母不篤詔以其舉指煩碎不合衆心孝聲不聞惡名流行其上大司空印綬遂冊免之

東觀漢記曰杜林代張純為大司空務于死^{於無}為第五倫為司空奉公不撓言事无所依違

後漢書曰王梁初為野王令世祖議選六司空而赤伏符曰王梁主衛作玄武帝以野王衛之所徒^徒自漢陽徒之君

王玄武水神之名司空水之土官也于是擢拜梁為太司空

又曰竇融拜冀州特十余日又迁大司空蠲目以非舊臣一旦入朝在功臣之有召會進見容貌時氣卑恭已甚帝

以此愈親厚之

又曰陳寵為司空府故事以計吏至時自以下皆屬籍不通賓客以防交關寵去籍通客以明無不受論者大之

又曰張奮字稚通父純臨終初家丞曰司空無功於時猥蒙爵上^上身死之後勿議傳國舊足根少被病光武詔奮嗣

爵奮稱純遺勅固不肯受帝收舊遺詔勅取下獄奮惶怖乃襲

又曰第五倫章帝立徵拜司空奉公不撓言議果決後自陳老病以二千石祿俸終身

續漢書曰張奮為司空時歲災旱祈雨不應上表即時引見復口陳政之宜帝詔太尉司徒幸洛陽獄錄囚徒大雨

三日

華嶠後漢書曰弟五倫雖峭直然常以中興以來二主好

吏化俗尚苛刻正化之本宜先以寬和

長者多恕屢有善政上疏褒稱美因以勸化德風也

又曰伏恭為太僕常臨辟雍於行禮中拜恭為司空儒者以為榮

袁宏後漢記曰第五倫為司空有人語倫千里馬者倫雖

不取每三公有所選舉倫心不亡也然亦終不用

漢官解詁曰下理道上和乾光謂之司空

魏志元年司徒司空正缺散騎侍郎孟康曰夫宰相者天

下之所思效成宜得秉忠履正本德服才之上足為海內

所師表者竊見司隸校尉崔林稟自然之正性体高雅之

弘量論其所長以比右之人忠直不偽則史魚之儔也清

儉守約則季文之死也遂為司空封安陽亭侯三公封列

侯自林始也

又曰徐邈拜司空歎曰三論道之官無其人則缺豈可以

老疾參之哉固辭不受

晉書曰裴秀為司空刪定國制損益多善當禪代之際總

納之要其所裁當禮無違者又案禹貢山川地名古有今

無者皆隨事注列作禹貢地域圖十八篇事成奏上藏於

秘府秀在位四年為當世名公

又曰鄭袤字林叔為司空天子臨軒遣就第拜受袤謂

此行字字据初學記十所引乃及為三公值章帝克化作更化勸化作勸成

使曰宜以徐景山為司空徐公曰三公上應天心苟非其人實傷和氣固辭見許

晉起居注曰武帝太始七年詔光祿大夫鄭袤體行純正復覆道冲粹退有清和之風進自素絲之節宜齊三階之擢其補衮職之闕明弼朕躬以匡不逮其以袤為司空

晉中興書曰虞玩字七瑤王導道却鑒庾亮相繼薨遷玩為司空給羽林四千人玩北陳讓不聽既拜歎息謂賓客曰以我為三公是天下無人矣談者以玩為知言

齊職儀曰司空兼佚官服同太宰舜以禹為司空成王以毛公為司空以宋武公之諱改司空為莫敖秦置御史大夫省司空

後魏書曰伊馥拜司空及為三公清約自守為政舉大綱而已不為苛碎

後周書曰冬官謂之大司空卿掌邦事以五材九凡範之徒佐皇帝富邦國大祭祀行灑掃廟社四望則奉逐牲

唐書曰天寶十三載冊楊國忠為司空具曰雨止其五代史唐書曰清泰二年制以前同州節度使馮道為守

司空時議以自隋唐已來三公無職事自非親王不恒置於宰臣為加官無單置者道在相位時帶司空及罷鎮未命官議者不練故事率意行之及制出言議紛然或云便

可綜中書門下事或云須冊開府及就列無故事乃不就朝堂序班臺官兩省官人就列方入宰臣退踵後先退及

晉天福中以李鑄為司空周廣順初以竇貞固為司徒禹
珪為司空遂以為例議者不復有云

華陽國志曰趙瑤字元珪拜扶風太守未之郡司空張溫
謂第五伯魚從郡為司空今掃梧第以徒足下

荀氏家傳曰荀爽字慈明董卓徵公到府三日策拜司
空爽起巖穴九十九日而為台司世人號為白衣登三公

又曰袁愷為司空文帝平蜀議後五等表魏朝使公定禮
儀護制賈充正法律尚書僕射裴秀議官制公遂刪定舊

文行正式為一代之典書成人藏於秘府其服色職法駕
之式禮樂犧牲柴燎之典禘禘遷毀配食之制及於明堂

辟雍之儀皆所議定朝廷歸其美公既為台輔德望清重

初學記作書成
奏上

加以留心禮教以年耆多疾不便朝見詔使時中任愷諮
問政化所宜行否

又曰荀蕃字大豎為司空劉崑表於太子曰司空荀蕃朝
廷之舊臣變臣忠勤乃心皇家其善之望唯蕃而已宜增

位號授分陝之重末令臣等有所憑準
白虎通曰司空主土不言土而言空已尚之主况於實乎

環濟要畧曰冬官司空掌邦事營城郭都邑立社稷宗廟
造營宅器械監百工

典略曰禹為司空陂九山迪九澤決九川定九州使各以
其職來貢

傳子曰荀仲預稱禹十二為司空

六下郎元
卷二百八
十一

世論曰諸葛亮誕為鎮東將軍都督揚州司馬文王乘政
徵誕為司空書至誕曰我當在文王書後今便為司空不
遣使者出齋書使以兵曰樂綝此必綝所為乃將左右數
百人至揚州人欲閉門誕叱之曰卿非我故吏耶逕入綝
逃上樓就斬之

齊孔稚珪為王敬則讓司空表曰故李通豪膽以親寵登
周王基才勇以聲華入選先帝擢臣以榮華陛下申臣以
富貴得北帶五州東跨六郡內亞三鼎外齊四岳蟬佩之
映則左右交暉龜組之華則縱橫曜輕輪徐動則劔騎如
雲飛蓋暫停則歌鍾成列樅金龍吹鬱其前鳴笳鳳管疊
其後鄧禹若不遭漢九則南陽之掾吏微臣若不逢明聖

則孤城之戍豈可加以正台之席登以論道之寄啓黃扉
而燮五緯躡青帷而調四序

梁劉孝儀為臨州王解司空表曰臣以庸薄謬竊隆重職
班三事任總六條衣袞坐槐既闕論道駝傳憩常允慙為
政而俯司土地仰燮陰陽折撓之機已彰愆伏之咎愛者
今水螟不摧阜而為災山元蒼蔚云成煙火階下曲私未
垂策免臣職是當於何逃責降茲台步協此天人

太平御覽卷第二百九

職官部七

大司馬

三公府掾屬

大司馬

韋昭辨釋名曰大司馬馬武也大摠武事也大司馬掌軍古者兵車一車四馬故以馬名官

周禮夏官曰大司馬之掌職建邦國九法以佐平王邦國

也平成制畿邦國以正邦國封為立設儀辨位以等邦國謂

諸侯之儀別進賢興邦以作邦國作起也起其勸善建牧

立監以維邦國牧州牧也監監一國制軍詰禁以均邦國

結猶窮治也施貢分任以任邦國賦謂賦稅也任猶事簡

此猶正也

稽鄉民以同封邦國簡謂比教之均守平則以安邦國均
者尊守林也此小事大以和邦國此曰親也使大國親
小也則去也也此小事大以和邦國諸侯有違王命則出
和合以九伐之法正邦國兵以正伐所以正之

尚書曰司馬掌邦政統六師平邦國也

毛詩曰圻父圻司文予王之牙牙丞

春秋運斗樞曰黃帝與大司馬容光觀鳳凰皇御圖置黃帝

前

尚書中候曰稷為大司馬舜為太尉

尚書大傳曰蠻夷滑夏寇賊奸宄則責之司馬

韓詩外傳曰故陰陽不和四時不節星辰失度灾變非常

則責司馬

河圖錄運法曰黃帝坐立危閣上典大司馬容光左右輔

將周昌等百二十人觀鳳凰御書

家語曰賢能不失官爵功勞而失賞祿士卒疾怨兵弱不

用曰不平不平則飭司馬飭謂

史記曰楚大司馬景舍帥軍笈蔡蔡侯奉社稷而歸之楚

發其賞舍辭曰發誠布令而敵退是王威也相攻而敵退

是將威也戰而敵退是衆威也臣不宜以衆威受賞

漢書曰元狩四年上命大將軍衛青驃騎將軍霍去病各

兵五萬騎數十萬出塞斬首捕虜有功迺置大司馬

又曰董賢為大司馬時年二十二雖為三公常給事申領

尚書百官曰賢奏事單于來朝宴見群臣上前單于怪賢

年少以問上令報曰大司馬年少以大賢居佐單于乃起拜賀漢賢臣

又曰孝元五皇后成帝母也家凡十侯五大司馬外戚莫盛焉

又曰成帝綏和元年賜大司馬金印紫綬置官屬錄比丞相

東觀漢記曰更始欲以近親巡行河北大司徒賜言上帝一可用更始以上為大司馬遣之河北

又曰讖云孫咸征狄命以平狄將軍孫咸行大司馬事

後漢書曰世祖北擊群賊吳漢帝將突騎五千為軍鋒數先登陣附及河北平漢與諸將奉圖書上尊號世祖即位

拜漢為大司馬

又曰疾瘳召見陰與歆以伐吳漢為大司馬與叩頭流涕固讓曰臣不敢惜身誠虧損聖德不可苟冒至誠發中感動左右帝遂聽之

漢官序曰三司之職司馬主兵漢承秦曰太尉武帝改曰大司馬無印綬官兼而加已世祖改曰太尉

吳志曰赤烏九年秋九月以車騎朱然為左大司馬衛將軍全琮為右大司馬

晉書石苞大始之初為大司馬稱參軍於都督無敬故孫楚抗衡於苞以楚傲更相表裡故參軍有敬自楚始也

又曰齊王問之盛也有一婦人詣大司馬府求寄產吏詰

之婦人也曰我截臍便去耳識者聞而惡之

又曰陳騫咸寧初轉大司馬騫因入朝言於帝曰胡列臺

弘皆勇而無謀強於自用非綏邊之材將為國耻願陛下

詳之時弘為揚州刺史不承順騫命帝以為不協相構於

徵弘既至復以為涼州刺史騫切嘆曰以為必敗二人後

果失羗戎之和皆被寇喪投征討連歲僅能得定帝乃悔

之

晉武帝大始官名曰大司馬石苞間通爽悟秉意不辭

晉公卿禮秩曰司馬兵官也魏氏大司馬大將軍各自為

三司上晉以石苞為大司馬次三司下

晉諸公贊曰義陽王為大司馬時父孚為太宰父子居上

公中代以來未之有也

晉中興書曰王猛少貧賤常至洛陽貨菴有人於市買其

菴云家近在此可隨我取直猛隨去忽至深山此人曰且

住當先啟道君須臾猛進見一公踞胡床頭白侍從十許

人有一人引猛云大司馬公可進猛因拜老公曰王公何

緣拜即十倍售菴直遣人送猛出高視乃嵩高山也

齊賤儀曰大司馬品第一秩中二千石金章紫綬武冠降

朝服佩山玄玉其少昊則雉鳩氏之任顓頊以司馬主火

堯命羲叔為司馬夏官也唐虞二代以司夏官棄居其職

周成王以畢公高為司馬楚漢之際曹參周勃始居其職

又曰大司馬府舊為閔王莽篡位故貶去焉

後魏書曰安定王休領大司馬高祖親行諸軍遇休以三盜人徇於六軍斬之有詔赦之休執曰陛下將遠親衝盧政親御六師跋涉野次軍行始爾已有奸竊如其不斬何以息盜詔曰大司馬執憲誠如是但因緣會朕三者之体亦時有非常之責雖為軍法可特元之休乃奉詔高祖謂司徒誕曰大司馬嚴而秉法君不可不慎於是六軍肅然後周書曰夏官謂之大司馬御掌邦政以建邦國之九法佐皇帝平邦國大祭祀掌其管子曰昔皇帝得大風辨乎四方故使為司馬又曰涼風至白露下天子命左右司馬金組甲勵士衆傅子曰曹大司馬之勇賁育弗如也曹仁博物志曰太公望為灌壇令文王夢見婦人當道哭問其

汝南先賢傳曰李宣字公休為太尉黃瓊所辟時瓊不知瓊見擇為曰是太尉也德願諸侯有以匡之次及宣宣曰明公被日月之衣居上司之位輔弼天子處諫諍之職未有對揚譽賞之言其所旌命不授歲谷之士小操私所以於邑

故曰吾太山之神嫁為西海婦灌壇令當吾道夢見石太公三日果疾風暴雨文王乃拜太公為大司馬班彪上事曰元狩六年罷太尉置司馬時議以北軍中侯有千人司馬故加之大司馬所以別大小司馬之號也

三公府掾屬

太尉長史正四十五

應劭漢官儀曰太尉司徒司空長史秩比千石號為毗佐三台助和昇味

太尉掾正四十五

汝南先賢傳曰鄧盛字伯真蒼梧人為太尉諸曹掾彭丞相左尚以贓罪三府掾屬拷驗踰科不竟更選盛覆拷盛

到獄洗沐尚解械賜席乃謂尚曰君受國重恩而所坐事
理如此今遇君子不可以小人道相持尚感盛至意對使
君相於如此尚獨何心敢不以死相歸乎即引筆具對
衛玠別傳曰玠字叔寶陳留阮千里有令聞當年太尉王
君見曰問曰老莊與教教同異阮曰將無同太尉善其言
而避之為掾世號曰三語掾君見而嘯之一言可辟何假
三阮曰苟是天下民望可無言而辟復何假如一言
崔寔政論曰且三公天子之股肱掾屬則三公之喉舌天
子當恭已南面於三公亦委策掾以谷天子

太子從事中郎

後魏書曰郭景尚字思和涉歷書傳遷太尉從事中郎善

事權寵世呼為郃尖

于寶司徒議曰從事中郎之職各掌其所治之曹而紀綱
其事体參輔謀議

太尉主簿

後魏書曰元慶智性貪鄙為太尉主簿事無大小得物然
後判為千錢二十錢得便取之府中號曰十錢主簿

廣州先賢傳曰鄧盛字伯直為梯婦令聞母病解印綬決
去太尉馬加其所履服竟辟之初入府為簿

司徒長史

東觀漢記曰吳梁為司徒長史以清白方正稱

于寶晉記曰傳咸為司徒長史多所執正

齊書劉撫為司徒左長史宋世上數遊會撫家同從明
宋明帝射雉郊野渴倦撫得青早瓜與上對剖食之上懷
其舊德意眄良厚是至一歲三遷

梁書曰褚球字仲寶為司徒左長史加貂自球始也
于寶司徒儀曰左長史掌職檢其法憲明其分職

司徒掾上堂

漢書曰武帝時司徒奏州郡農桑未有賞罰宜遣掾屬修
行詔遂使司徒督察州郡播植有所修者增掾屬十人
謝承後漢書曰虞延辟司徒侯霸府正旦百官賀朝上望
見延在公府掾屬中馳小黄門問曰故陳留督郵延非耶
對曰是遂前召見

漢祿雜事曰陳寵為司徒掾先是公府掾多不親事但以交
接為務寵常獨親事

魏書曰王粲字仲宣年十八司徒掾辟遷黃門不就
晉書曰魏舒為司徒陳留周震累為諸府所辟辟書既不
公輒喪亡金號震曰殺公掾莫有辟者舒固辟之而竟無
患識者以此稱其達命

又曰周馥遷司徒左曹掾司徒王渾奏曰馥理識清敏有
才幹主定九品檢括清詳臣委任責成褒貶元當詳補尚
書即許之

于寶司徒儀曰掾屬之職敷明教義肅勵清風非禮不言
非法不行以訓群吏以貴朝望各掌其所治之曹

鍾離意別傳曰司徒侯霸辟意署議曹掾以詔書送徒三百餘人到河北遭隆冬盛寒徒以被單于足不能復行到弘農縣使令出見錢為徒作襦袴令曰不被詔意曰使者奉詔命今私行耶出錢便上尚書使者意當上之光武皇帝得上狀見霸曰所使掾何仁恕為國用心乎誠良吏也

司徒屬

東觀記曰司徒侯霸辟閔仲叔到於相見勞問之不及政事叔曰始被明辟且喜且懼及奉見明公喜懼皆去所望明公問屬何以為政美俗成化以叔為不足耶不當辟也如以為任用而不使臣之則為失人是喜懼皆去便辭而出

晉中興書曰殷融字弘遠司徒王道以為右西屬融飲酒善舞終日笑詠未嘗以事務自嬰道甚相親悅焉

司徒從事中郎

晉中興書曰潁川荀組字大章司徒王渾表曰左西屬組文義貞素清識見稱宜轉中郎

陶氏家傳曰迴字恭淵為大司徒王道從事中郎為人正直不撓導亦以此重焉每言曰中郎有輔佐之才真國器也

司徒諮議參軍

晉中興書曰廬江何允字次道為司徒王道諮議參軍後魏書曰李絲為主客郎齊文襄王攝送以絲為司徒諮

議叅軍因謂之曰自即署此所謂不次以卿人才故有此舉耳

司徒主簿

上堂五

三國典畧曰齊許惇護之子也性識敏速達於從政嘗謂司徒主簿能判時人號為人缺主簿

司空掾

上堂五

魏志曰田疇字子厄太祖辟為司空掾屬每於公朝議常直言正色退無私宴

又曰太祖為司空丞相毛玠嘗為東曹掾與崔琰並無選舉其所舉用皆清正之士雖時有盛名而行不由本者皆莫得進務以儉率人由是天下之士莫不以廉節自勵雖

賈寵之臣與服不敢過度太祖歎曰用人如此使天下自治吾復何憂哉

邴吉別傳曰原字根矩魏武皇帝初為司空辟署議曹掾請見禮畢上送至門中原辭直去不顧上還語左右孤甚敬此人與其辭遠送之謂其上顧而終不顧此人誠高士也人謂曰君且謝公公望君一日辭不顧揖原勃然曰夫何謝哉夫揖讓者謂其敵耳吾人臣也公人君也君尊臣卑揖讓何施且孔子反命曰賓不顧矣吾何謝哉人以語上上曰快乎斯言也夫有斯名而豈徒哉

太平御覽卷第二百九 據照宋板舊抄本校計八頁

太平御覽卷第二百十

職官部八

錄尚書

錄尚書 上五

尚書令 上七

漢書曰張安世領尚書事職典樞機以謹慎周密自著每言大政以決輒移病出門有詔令乃驚使吏之丞相府問焉自朝廷大臣莫其與議也

又曰孔光字子夏領尚書事凡典樞機十餘年守法度修政事不希苟合或問温室省中樹皆何木也光答以他語其慎密也如此

應劭漢官儀章帝詔曰司空牟融典職六年勤勞不息以

融為太尉錄尚書事

又曰和帝策書曰故太尉鄧彪元公之族三讓彌高海內歸仁為群賢首以彪為太傅錄尚書事百官摠已以聽

又曰靈帝策書曰故太尉陳蕃忠亮寒諱有不吐茹之節司徒胡廣敦德允正五世從政今以蕃為太傅與廣參錄尚書事

又曰中帝策書曰太尉趙峻二世掌典機衡有匪石不二之心大司務李固公族之苗忠直不回今以峻為太傅固為太尉參錄尚書事

晉書曰元康元年誅楊峻詔曰司徒王渾秉德忠正器量弘遠歷位内外文武勲庸著在方策宜參彌機衡以亮天

又工其令錄尚書事

又曰賈充為太尉錄尚書事及征吳為大都督吳平遣使中程咸犒勞增邑八千戶

又曰會稽王道子元顯並錄尚書事時道為東錄顯為西錄

晉中興書曰泰和元年詔會稽王休道冲虛理識明父阿衡李文有保義之規輔弼哀王盡翼亮之道朕承洪緒仍聞善誘慎徽五教儀形具瞻登賢顯親國之典也其以為丞相錄尚書事入朝不趨贊拜不名劔履上殿給羽葆鼓吹班歛六十人

又曰元興元年八月庚子尚書下舍火是時用事出鎮姑

大平御覽 卷二百一
二
熟身雖在外實逢錄尚書故天火是不復用也

又曰明帝庾氏為太皇后九月癸卯皇太后臨朝稱制司徒王道錄尚書事

傳咸晉故事曰何劭王戎張華裴楷楊濟和嶠為愍懷太傅通省尚書事張華為光祿大夫尚書七條事皆謫而後行惠帝之世太保衛權太宰河間王顥太傅東海王越皆錄三省尚書事

沈約宋書曰高武永初三年尚書令楊州刺史徐羨之為司空錄尚書事

又曰孝武帝即位以大將軍江夏王義為太尉錄尚書事又曰諸公錄尚書事古制也王肅解尚書納于大麓曰堯

納舜於尊顯之官使大錄萬機之政按武氏諸吏平尚書奏事後霍光以大司馬大將軍平尚書事

齊書曰明帝為宣城王錄尚書事廢帝昭業思蒸魚大官以無錄公命不與

後魏書曰北海王祥初遷大將軍錄尚書事祥之命其夜暴風雲電拔其庭中桐樹大十圍例本慶天威如此識者知其不終

三國典略曰齊以并省尚書令高郵肱為錄尚書事郵才伎庸劣不涉文史尚書郎中源師常曰郵肱云龍見當寧郵肱問曰何處龍見作何顏色師答曰此是龍星須雲祭也非是真有龍見郵肱曰漢兒多事強知星宿

唐書官品志曰錄尚書一人位在令上掌與令同但不糾察今則糾彈禁事與御史中丞更相廉察

陶氏取官要錄曰後漢章帝以太傅趙喜太尉牟融並錄尚書事尚書有六名自此始也因私以來每帝幼即位輒置太傅錄尚書事

尚書令

上卷五

六典曰尚書令掌摠令百官儀刑端揆其屬有六尚書一曰吏部二曰戶部三曰禮部四曰兵部五曰刑部六曰工部凡庶務皆會而決之

漢官儀曰尚書令主贊奏摠典綱紀無所不統秩千石故公為之者朝會不階奏事增秩二千石天子所服五時衣

賜尚書令其三公列卿將大夫五營校尉行復中道遇尚

書令僕射左右丞皆迴車預避衛士傳不得紆其臺官過乃

得去世漢尚書稱臺魏晉已來為省

漢書曰張安世字子騁少以父任為即用善事給事尚書

精力於政休沐嘗出上行幸河東去書三筮筮詔問莫能之

唯安世識之具作其事後構求得書以相校無所遺失主

奇其才擢為尚書令

東觀漢記曰陳忠為尚書令數進忠言辭上弘麗前後所

奏悉於官上閣以為故事

又曰侯霸為尚書令深見任用樊淮為尚書令明習漢家

故事周密畏懼申屠剛為尚書令蹇蹇多直言無所屈撓

後漢書曰宋均拜尚書令每有駁議多合上旨均嘗刪剪
疑事帝以為好天怒收即縛格之諸尚書惶恐叩頭謝
罪均顧厲色曰蓋忠臣執義無有二心若畏威失正均雖
死不易小黃門在傍入其以聞帝善其不撓即令貸部
又曰申屠剛遷尚書令光武嘗欲出遊剛以隴蜀未平不
宜晏安逸豫諫不見聽遂以頭輶乘輿輪帝遂為止
又曰郭賀字喬卿為尚書令百姓歌之曰厥德仁明郭喬
卿忠正朝廷上下平

又曰侯霸拜尚書令條選善政有便於民者除其煩苛時
令立春下寬大詔書曰霸始建言多施用

又曰陳蕃出為豫章太守性方峻不接賓客徵為尚書令
送者不出郭門

華嶠後漢書曰申屠剛為尚書令時內外羣臣多是帝自
遷舉加以法理嚴察職事過苦尚書近臣乃至捶撲牽曳
於前群臣不敢言惟剛每極諫

張璠漢記曰左雄為尚書令在任者各肅清時稱左伯豪
為尚書令天下皆慎選本伯豪雄字也

漢書曰尚書令秦官銅印墨綬司隸校尉御史中丞皆專
席坐京師號曰三獨坐言其尊重如此

魏志曰陳矯字季弼尚書令魏明帝卒至尚書門矯問危
問何之帝曰欲案行文書耳矯對曰此臣職分非陛下所
宜臨也若不稱則請就點便回車

又曰荀彧字文若為尚書令常以書陳事臨薨皆焚毀故
奇策密謀不得盡聞又非正道不用心多重天下莫不以
為儀表海內英俊咸宗焉

魏志春秋曰荀攸字公達為尚書令從太祖征伐常謀謨
帷幄時人及子弟莫知其所言太祖每稱之曰達外愚內
智外怯內勇外弱內強不伐善無施勞智可及愚不可及
雖顏回甯武子不能過文武雖東宮太祖謂曰荀公達人
之師表也汝當盡理敬之攸嘗病世祖問疾獨拜床下其
見尊異如此如攸入尚書太祖聞名語大悅謂荀彧鍾繇
曰公達非常人也吾得與之計事天下當何憂哉

蜀志曰費偉代蔣琬為尚書令于時戰爭多事眾務煩猥
偉識寤過人每省讀書記粗舉目暫視究其意旨其速數
倍于人終亦不忘常以朝晡聽事其間接賓客飲食嬉戲
加之博奕每盡人之歡事後遷大將軍錄尚書事董允代
偉為尚書令旬日中之事多停滯允嘆曰人才力相懸若
此非吾所及

又曰蔣琬字公琰諸葛亮每言琰託志忠雅當與共贊王
業因密表後主臣若不幸後事宜以付琬亮卒琬為尚書
令時新喪元師遠近悚惶琬出類拔萃處群僚之右既無
戚容又無喜色神守舉止有如平常由是眾望漸服

又曰劉巴字子初代法正為尚書令躬履清儉不治產業
又自以歸附非素懼見猜嫌恭默守靖退無私交非公事

不言

又曰呂又字季陽董允為尚書令庶事無留門無停賓又歷職內外治身檢束檢約謙靜少言為政不煩號為清能然持法刻深好用文俗吏故居大官名聲損於郡縣時

晉書曰樂廣為尚書令所在無當時功譽然為後人所思又曰裴秀為尚書令秀則制朝儀廣陳刑政朝廷多遵用之以為故事在左四載為當世名公

又曰李徹為尚書令雖歷內外不在公退食在家貧儉兒病無以市藥上賜錢十萬

又曰荀勗守尚書令課試令史以下覈其才能有闇于文法不能決疑事者即時遣出帝嘗謂曰魏武帝言荀文若

之進善不進不止荀公達之退惡不退不休二令公之美亦望於君也

又曰會稽王道子嘗集朝士置酒於東府尚書令謝石因醉以妾卷之歌王恭正色曰居端右之重集墻王之第而肆淫聲欲令群下何所取則石深銜之

又曰王虎之字叔虎為尚書令與謝安共掌朝政安每稱曰朝之大事衆不能決者諮之王公無不得判

又曰大熙元年詔曰夫摠百揆之得失管王政之開塞者端石之職也是以自漢伐以來每選此官必慎其人識即王戎可為尚書令

又曰衛瓘伯玉拜尚書令性嚴整以法御下視叅佐尚書

即若掾屬

又曰熊遠啟曰伏見吏部以太尉荀組為尚書令復領荆
州牧自三代以來未聞以納言之官而出領牧伯者

晉中興書曰卞壺為尚書令司徒王道稱疾不朝壺奏專
任無敬事寢不行本朝

又曰萬協遷尚書令詔曰尚書令協抗志高亮才鑒博雅
朕甚喜之

晉書曰百官表注尚書令一人唐虞官也是謂文昌天府
銅印墨綬五時朝服納言幘進賢兩梁冠佩水蒼玉官品

第三俸月四十五解領都摠攝諸曹出納王命
晉公卿禮秩曰尚書令拜受命皆策命薨則於朝堂發哀

古之家幸端右石故也

晉故事曰賈充為尚書令以目疾表置省事於是遂置省
事吏四人品職章服與諸曹金史同

宋書曰王僧虔為尚書令嘗為飛白書題尚書壁曰宋書
元行方止方之定質循之不已則溢高之不已則跌引之

不已則遠是故去之宜疾當時嗟賞以比座石名
又曰武帝踐祚王瑩遷尚書令時有猛獸入郭上意不悅

以問群臣皆莫能對瑩在御筵乃歛板答曰昔擊石拊石
百獸率舞階下應錄御罔武象棗格帝大悅眾咸服焉

齊書曰謝朓守歌冲徵為司徒尚書令朓辭脚疾不堪謂
乃角中自與詣雲龍門謝既見稱小車就席

齊政儀曰秦漢之世委政公卿尚書之職掌即奏令贊文
書僕射主開閉令不在則僕射奏下其事魏氏重內職入
座尚書任同六卿舜舉八元八愷以隆唐朝令號八座為

元凱謂賢能用事義如昔也

梁書曰何敬容為尚書令貪吝為時所淺其書各敬字則

大作苟小為文容字大為文小為口陸倕戲之曰公家苟

既奇大文亦不小教容遂不能答又曰漏禁中語故朝諺

曰至嘗有容姓吉問卿與郇吉遠近曰如明公之與蕭何

唐書曰太公在藩嘗為尚書令其後人臣莫敢為遂廢其

官廣德元年代宗以親賢有大勳遂特拜為尚書令

又曰廣德二年冬詔郭之儀於尚書省事尚書令事命華

已下脫字

臣以下特遣射生五百騎執戟翼從自朝堂至於省賜以
致坊音樂

五代史梁書開平三年詔外尚書令為正一品按唐典尚

書令正二品至是以將授趙王鎔此官故外之

會稽先賢傳曰沈勳徵詣南宮賜酒拜尚書令持節臨辟

雍名冠百寮

襄陽耆舊傳曰劉季和曰首令君至人家坐處三百香

徐廣軍服儀制曰尚書令詔車黑耳後戶

通典曰大唐尚書令朝服鷩冕八旒七章三梁冠鷩短也

也武德初太宗為秦王時嘗居之其後人臣莫敢當故自

龍朔二年制廢尚書令

何字一行

又曰舊尚書令有大廳當省之中合謂之都堂
世說曰崇禮闈在東掖門內路西即尚書省崇禮門東建
禮門內即是尚書令下舍之門

前空五行

太平御覽卷第二百十

據照宋板舊抄本校計八頁

